

詩
法
指
南

詩法指南序

今

天子春秋試士詔二場需用經義及詩
一時討論之興遂占制藝對策同
為舉子要業大哉厯朝試士之典
備見此矣士生其際孰不思摘藻
揚芳勉列於風雅之林以鳴

國家之盛乎顧體崇試帖初學之士
多揣摩排體以爲應試失資而於
他格或有未遑豈知試帖之於詩
特衆體中之一耳詩固未有一體
不備而可辨工詩亦未有衆體不
備而可工試帖者也三唐名家示
下百餘其間以應制擅場者莫如

摩詰以長律橫絕千古者莫如少
陵然試取二公全詩讀之則諸格
畢備無美不臻何者咏歌大旨隸
於抒寫性靈發揮底蘊學者苟未
上溯源流姑求旨趣而徒斤斤於
五批八韻之間白櫛而室以之吾
知其詩必不工詩不工乃求工試

帖猶新港絕潢而蘄玉於河海也
戊寅春適丁子自崑以蔡子易園
所編討法指南示余并邀余一言
以行世余取而讀之見其理必條
分詞皆据典始之以前括論故
精終之以入門取舍之要凡屬古
體近體一一講明而切實之至所

載五排八韻則不滿六十首蓋其
於詩猶以臬臼晷而吐長南短不
失尺寸以管均律而細羽大宮不
差毫黍使拈韻者展卷而體格
異同運用之窾肯無了然於心
目初何嘗需為應試帖示標
準哉雖於詩有衆體之畢工而獨

不能工試帖者乎學者誠奉是津
梁而模楷焉於以點竄典謨塗改
雅頌方且軼三唐而上々區々應
試決科壁猶劍首之一映也蔡子
以積學世其家其論著多本家訓
有能討聲而未嘗一睹其詩今閱
是編即其詩可知矣乾隆二十有

三年夏四月舊史官錢塘任應烈

謨

序

自虞廷帝作歌陶
賡歌為風雅祖尼
山雅言庭訓罔不

以詩為諄諄是詩
足淑人性情而鳴
國家之盛也由來
尚矣我

皇
上以虞廷之治為治

以尼山之教為教

特
旨取士於經義外用

詩則凡操觚家孰

可不諱夫詩之法
也余門下士丁百
川宰贊皇今己卯
春將伊友蔡子易

園所輯詩法指南
郵寄請余序余覽
之見其網羅諸體
而集其大成如入

五都之市珠貝琳
琅靡不畢具洵詩
學之津梁休明之
鼓吹余政務殷繁

未暇詳著其美聊
書數語於簡端以
告天下之操觚者
經筵日講起居注官

太子少保東閣大
學士兼戶部尚書
仍兼管戶部尚書
事務翰林院掌院

世襲一等輕車都

尉蔣溥題

詩何法乎情真理當永於言而和其聲斯法矣前人作詩而法自立後人守法而詩乃成蕭山蔡生鈞著詩法指南兼舉古今體制而示以法式使學者尋省易了由是進攷風會所趨宗派所衍別裁偽體一親風雅必有神明於法者余兄

朱序
贊文成樂府正義一書據事求義
辨義得音其鐸舞巾舞諸歌詩聲
詞雜寫悉為釐剔是又漢魏以來
未詳之法予故序蔡生之書而并
告之

乾隆二十三年夏至日正甫朱坤書
於蕭山學舍

叙

三百篇後詩人于變美化采其要
曰法典辭而已法隨體立辭以法
傳其變化不可測則天地之氣運
典人之心思才力潛移默率也其
必以脩風教道性情為正則宣聖
言邪一言萬世不可易也玄於時

代之升降派別之異同斷不容以
畛域限六朝之辭訪家所共斥也
杜少陵待家所共推也少陵不嘗
云熟精文選理乎其品目太白不
嘗云清新庾開府俊逸鮑參軍乎
評騭王楊盧駱不嘗云劣於漢魏
近風騷乎可知少陵胸中全無畛

域加成為詩聖詩之有畛域自嚴
澹浪以禪宗喻唐詩始澹浪之意
陰以鍾嶸詩品為法乳而不免支
離膠固洵高廷禮品彙選出益後
而甚之嗣是古體必漢魏今體必
盛唐者北地信陽太倉歷下也禰
衡過正者竟陵也宋北地信陽太

倉歷下竟陵而並祗之者虞山也
是類公者以什伯庸衆之姿主持
壇坫號召生徒其初心皆以補偏
救弊障狂濶而樹正鵠以風雅為
己任其流弊則皆相禁若爰書相
攻若敵國足以布雲霧而成霖雨
後人宗之者天分高學殖富領會

微不拘何說皆可因以達彼合於
九變復貫之旨若反是不拘何說
皆將類錫舟求劍膠柱鼓瑟而不
可救

昭代右文巨公林立執牛耳于騷壇
者雖多有指歸總異於前代之水
火乃者

天子煌煌明訓卿會試以五言八韻取
士詩道益於是廣宣而編習美士
生其間可不有以鼓吹休明信今
而傳後乎蕭山蔡及心先生藝林
宿學年六十五矣屹屹蒐討有指
南之選輯諸家之緒言精一己之
決擇首長律以導功令其餘次第

排鑽無體不備無法不求而並不
後時域於時代派別誠善本也予
不敏謹陳管見以質先生因獲附
名簡端敢云序哉

乾隆戊寅四月山陰同學教弟楊

際昌拜題

自序

古者天子聽政使公卿大夫獻詩又有採詩之官循行列國蓋以詩與政通也自栢梁建安以下越唐而變六朝之體成一代之音廼以詩取士稱極盛焉自宋熙寧間議以經問舉試猶兼用詩賦迨明始盡去之然應制館課未嘗廢也孔子謂興觀羣怨事父事君在於學詩是詩之關於世教不綦重乎今

聖天子建中和之極金聲而玉振之以古學
取天下士

欽諭春闈秋試第二場於經藝外用詩誠千
載一時也但詩必意無闌入句無妄下
閑亮如驚雷掣電秀折如疊嶂層巒嗅
之有奇芬咀之有異味讀其詞琅玕如
宮徵之互發然後足以鳴

國家之盛脫規矩未悉則神巧不生法之
不可不講也明甚且詩之有體也猶人

之有五官百骸也一體不脩不可以為
人則一體不知不可以為詩爰採詩家
各體暨古今名八詩話并檢先大父近
軒偶錄叔祖梅菴筆記諸書分類編之
為子弟初學津梁友人丁子自崑見之
持以就正宗工承太史任處泉先生謬
賞謂不當徒藏笥篋應公諸海內名曰
詩法指南自維謏陋撫拾羣言恐塵青
覽許我哂我惟俟才人學士惠教焉然

予更有思者詩之為道大抵遣情言外
寄託遙深語淺而趣永節短而韻長可
以踴蕩襟懷開其湮鬱東萊呂氏云一
吟一咏至理自寓片言有味而五經皆
冰釋詩與文原無二道也第文多直而
顯詩多曲而隱作者果能由規矩而澡
雪其心思默契夫興觀羣怨事父事君
之旨則隨吾興會情以生文又安在無
補於制藝也哉

乾隆戊寅夏蕭山蔡鈞書於懷永堂

叅訂姓氏

上虞陳志學少亭

諸暨張建範洪九

諸暨楊如瑤西望

山陰劉聞善禹言

海寧陳景星健雲

諸暨陳鳳起立丹

平湖張廷誦穆如

山陰錢超嵩柱

寧波柳開基維新

山陰孫大夏咸三

錢塘唐詩以言

錢塘何維熊太旂

山陰徐頤芷長

新昌余伯仁壽亭

吳江趙楠端木

海寧張瑚寶厓

山陰劉三善行皆

諸暨樓卜瀍西濱

諸暨張長祚爾錫

山陰錢遵堯以清

山陰周大榜虎未

山陰徐顯印若

歸安董豐垣暨之

錢塘楊基石渠

諸暨廊欣向榮

開化詹文鳳羽翹

餘姚烏宗瀛中洲

嘉興邵均步園

淳安宋瑾叔懷

嘉興費成雲霖蒼

太原王匡方度

平湖胡世崇怡庭

山陰孫大鳴贊皇

秀水陸同寅敬亭

安東程茂尊江

海鹽張月梅隱蘿

會稽俞元茂曷再

仁和陳庭訓六宸

會稽史 照麗天

諸暨楊穀生我稼

宛平趙 坤原載

山陰俞 鷗挹青

會稽高來儀繩一

山陰李則仁惺學

仁和沈 顏靜元

會稽姜匡純紉佩

錢塘任 傑介叔

秀水于元鑣駁閑

會稽錢鼎元天繪

會稽袁最祥吉夫

會稽沈 能未齋

歸安董小坡過之

山陰姚大源雨方

嵯縣魏志乾大化

石門賈成灝洛門

秀水陳鵬年北鯤

同邑沈 堡漁莊

吳元禮經百

黃 雲天繪

王 述薪傳

富啓英千若

來啟高企山

林 霖潤莽

丁百川學海

夏景宸萬原

何國泰凝始

林仲山端木

來毓春景魯

張 鼎載銘

夏 蘇更生

丁 澍自崑

王承鉞蓼茹

張應魯祖祈

沈 輅霞軒

趙賜萊光韓

何同藏岳洲

湯 澄召南

吳 明李勲

丁應庚斐然

丁炳素明

傅英鎮南

張學古汝師

周復叔來

李元龍啟高

韓培新聖功

丁采栗端門

陸鏡湖泰峰

吳履信樸存

莫士崐美斯

陸成彥士美

吳青錢建周

莫士猷公瑞

韓鴻賓南

任祥雲川

莫松尊嶽

莫岐天柱

周維新岐山

沈宗琰韞輝

韓 鎬左豐

張學斯魯望

叔耀宗光遠

大勇玉成

學陞可階

廷錫卓如

編次

弟 叙經國

欽錫仁

思義近仁

玉階德脩

筠青策園

士標奕文

灝景梁

姪 廷標正丰

廷槐位周

廷楓宸翌

廷桂國棟

忠孝德若

一枝杏滋

紹曾景沂

法行之

孫師遜景瑗

詩法指南目錄

卷之一

總論 四十六則

發蒙正規 三則

五言律論 十二則

五言排律論 十二則

附注釋唐人八韻詩 五十五首

卷之二

七言律論 二十則

附排律

五言七言絕句論十五則

五言古論九則

七言古論十則

樂府歌行論十則

附竹枝詞

卷之三

近體諸格四十五格

附詩家八病

卷之四

變體諸格二十五格

附詩家解數六則

相題二十三則

立意八則

卷之五

鍊句二十則

鍊字二十七則

警句
摘宋元明詩人句

卷之六

用事十五則

含蓄十二則

詩法指南

奪胎 十四則

翻案 七則

押韻 十八則

構思 十二則

詩法指南目錄終

詩法指南卷一

蕭山

蘇軾詩集

及心又輯
字易園

總論

胡元瑞曰曰風曰雅曰頌三代之音也曰歌曰行曰
吟曰操曰詞曰曲曰謠曰諺兩漢之音也曰律曰
排律曰絕句唐人之音也詩至於唐而格備至於
絕而體窮故宋人不得不變而之詞元人不得不
變而之曲

陳繹曾曰。凡讀三百篇。要會其情。不足。性有餘。處情不足。故寓之景。性有餘。故見乎情。凡讀騷。要見情。有餘處。凡讀漢詩。先真實。後文章。凡讀建安詩。於文華中。取真實。三國六朝樂府。猶有真意。勝於當時。文人之詩。凡讀文選詩。分三節。東都以上。主情。建安以下。主意。三謝以下。主辭。齊梁諸家。五言未成。律體七言。乃多古製韻度。猶出盛唐人上一等。但理不勝情。氣不勝辭耳。

元微之云。唐興。學官大振。歷世之文能者。互出。而又沈宋之流。研鍊精切。穩順聲勢。謂之爲律詩。由是

而後。文體之變極焉。

消夏錄詩至中晚。法脉漸荒。境界漸狹。然而思深意遠。氣靜神閑。選句能遠絕。夫塵囂立言。必近求平。旨趣斷章取義。猶有風人之致焉。

瀛奎律髓宋詩有數體。有九僧體。卽晚唐體也。有香山體者。學白樂天。有西崑體者。祖李義山。如蘇子美。梅聖俞。並出歐公之門。蘇近老杜。梅過王維。而歐公直擬昌黎。東坡暗合太白。惟黃山谷法老杜。陳后山棄其舊而學焉。遂名黃陳。號江西派。非自爲一家也。老杜實初祖也。

朱文公曰。作詩人。要使方寸中。無一字世俗言語意態。則其詩不期高遠而自高遠矣。又要識得古今體製雅俗向背。

嚴滄浪曰。夫學詩者。以識爲主。入門須正。立志須高。以漢魏晉盛唐爲師。不作開元天寶以下人物。若自退屈。卽有下劣詩。應入其肺腑之間。由立志之不高也。行有未至。可加工力。路頭一差。愈驚逾遠。由入門之不正也。

又曰。詩之法有五。曰體製。曰格力。曰氣象。曰興趣。意所不盡而有。曰音節。詩之品有九。曰高。曰古。曰深。餘者之謂趣。

日遠日長日雄渾日飄逸日悲壯日淒婉其用功
有三日起結日句法日字眼其大概有二日優游
不迫日沉着痛快詩之極至有一日入神詩而入
神至矣盡矣蔑以加矣

又曰詩有別才非關書也詩有別趣非關理也然非
多讀書多窮理則不能極其至所謂不涉理路不
落言筌者上也詩者吟咏性情者也盛唐諸人惟
在興趣如羚羊掛角無跡可求故其妙處透徹玲
瓏不可湊泊如空中之音相中之色水中之月鏡
中之象言有盡而意無窮

劉伯溫曰。詩有正格。有別格。有高調。有逸調。然出口。須老。押韻。須穩。琢鍊。宜渾。字句。宜雅。聲音。宜長。托意。宜遠。則無二道也。臥子曰。古詩自漢魏至唐。近體自初盛而中晚。皆可爲也。務絕其不雅者而已。真而不雅。則俚。樸而不雅。則陋。艷而不雅。則俗。一句之中。虛實間用。一首之中。開闔遠近。落調宜老。成鄭重。而意致宜委婉。悠揚。行乎自然也。

方虛谷曰。詩先須格高。而意又到。語又工。爲上。意到。語工。而格不高。次之。無格無意。又無語下矣。

李希聲曰。唐人作詩。正以風調高古爲至。雖意遠語

疎皆爲佳作。後人有切近的當氣格。凡下者終使人可憎。

詩則詩有二要。要力全而不枯。澁要氣足而不怒。張此語皆切中詩家肯綮。

沈確士曰。詩不可無法。亂雜而無章。非詩也。然所謂法者。行所不得不行。止所不得而止。而起伏照應。承接轉換。自神明變化于其中。若泥定此處應如何。彼處應如何。則死法矣。試看天地間。水流自行。雲生自起。何處更著得死法。

方正學曰。作詩最重丰致。意欲圓。語欲活。

直方詩話謝眺嘗語沈約曰好詩圓美流轉如彈丸
故東坡答王鞏云新詩如彈丸及送歐陽弼云中
有清圓句銅丸飛柘彈蓋謂詩貴圓熟也余謂圓
熟多失之平易老硬多失之乾枯不失於二者之
間可與古之作者並驅

滄浪詩話作詩語忌直意忌淺脉忌露味忌短音韵
忌散緩亦忌迫促詩難處在結裹譬如番刀須用
北人結裹若南人便非本色學詩有三節其初不
識好惡連篇累牘肆筆而成既識羞愧始生畏縮
成之極難及其透徹則七縱八橫信手拈來頭頭

是道矣。詩有詞理。意興尚詞者。病于理。尚理者。病于意。興。唐人尚意興。而理在其中。漢魏之詩。詞理意興。無跡可求。

楊士奇曰。詩之氣勢。最忌斷續。如頷聯與起句不接。腹聯與頷聯不接。結句又與前聯不相管攝。便非詩也。作者須一氣呵成。貫珠而下。不露痕跡。方妙。楊士弘曰。詩要首尾相應。多見人中間一聯。儘有出奇全篇湊合。如出二手。便不家數。一句一字。必須着意聯合。

又曰。詩不可鑿空強作。待境而生。自工。

范德機曰詩貴乎實實則隨事命意過景得情如傳
神寫真各盡其態自不至有重複蹈襲之患

詩法要標詩之義意雖有不一要其歸不過情與景
而已情景兼者上也偏到者次之情景兼者如露
從今夜白月是故鄉明是也情到者如長擬卽見
面反致久無書是也景到者如日華川上動風光
草際浮是也又如水流心不競雲在意俱遲景中
寓情也卷簾惟白水隱几亦青山情中寓景也感
時花濺淚恨別鳥驚心情景相融而不分也白首
多年病秋天昨夜涼一句情一句景也若一聯景

一聯情亦是或四句六句皆景但以情結之變格也。惟情可以全篇言。然苟無法以駐之。易入流俗。故曰融情於景物之中。托思於風雲之表者難之。馬誠所詩說詩。要在不離不屬。有意無意。可解不可解之間。

蔣仲舒云。談詩如談禪。頓悟者得之言詮之外。而一切見解。卽未嘗不說不二法門。亦舛也。又如觀畫。賞鑒者求之氣韻之真。而肉眼品題。卽未嘗不稱解衣盤礴。亦舛也。則可解不可解者。詩之道也。詩之深處。不在不可解。而在使人思。若以不可解求。

深則淺矣。

消夏錄詩中往往有本句不解而解在上下句者若就句論句竟以不可解三字了之誤矣。

韻語陽秋謝朝華之已披起夕秀於未振學詩者尤當領此陳腐之語固不可涉筆然求去陳腐不可得而反怪怪奇奇不可致詰之語以欺人學者之大病也詩人首二謝靈運詩如矜名道不足適民物可忘清暉能娛人遊子澹忘歸元暉詩如春草秋更綠王孫未西歸大江流日夜客心悲未央古今以爲奇作又曷常以難解爲工哉。

朱子曰詩須是平易不費力。何法渾成。如唐人王子
川輩句。雖險怪。意思自有渾成氣象。如陸務觀詩。
春寒催喚客。嘗酒夜靜臥。聽見讀書不費力。好。
沈確士曰。作詩須從不着力處得之。意太深。氣太橫。
色太濃。詩家一病。故曰穆如清風。

韻語陽秋。陶潛謝朓詩。皆平澹有思致。非後來詩人。
林心劇目。雕琢者所爲。但欲造平澹。須自組麗中。
來落其華芬。然後可造平澹之境。今人多作拙易。
詩。而自以爲平澹。識者未嘗不絕倒也。梅聖俞和。
晏相詩云。因令適性情。稍欲到平澹。苦調未圓熟。

刺口劇菱芡。到平澹處甚難也。李白云。清水出芙蓉。天然去彫飾。平澹而到天然處則善矣。

程明道曰。詩自齊梁陳隋以來。專於風花雪月。草木禽魚。組織繪畫。無一句雅淡。至唐猶未盡革。而晚唐詩料。於琴棋僧鶴。茶酒竹石等物。無一篇不犯。昌黎大手筆也。于廣宣上人頻過詩中。兩聯云。久爲朝士無裨益。空愧高僧數往來。學道窮年何所得。吟詩竟日不能迴。却只如此枯槁平易。不用事不狀景。不泥物。是可以非詩訾之乎。此體學者亦不可不知也。

漫堂詩說詩者性情之所發不必撫唐不必撫古亦不必撫宋元明而吾之真詩觸境流出釋氏所謂信手拈來莊子所謂螻蟻梯稗瓦甃無所不在此之謂悟後境悟則隨吾興會所之漢魏亦可唐亦可宋亦可不漢魏不唐不宋亦可無暇模古人並無暇避古人而詩候熟矣

香泉偶贅鍾伯敬評林鴻經綺岫故宮詩云此等歌行妙在與盛唐酷肖而其不盡妙處亦在與盛唐酷肖當其未肖也求其肖及其肖又當脫其肖肖與不肖之間詩之道過半矣然予謂未肖求其肖

一語又實是初學金針不可易也。

劉伯溫曰作詩須量力度才就其近似者而摹倣之。久則成家矣。若質性恬曠而務求華麗才情綺靡而強擬沉鬱始雖效顰終失故步。所謂行岐路者不至懷二心者無成也。

朱東岳曰作詩最忌氣象衰颯如羅昭諫咏杏花詩盡日無人應悵望。有時經雨更淒涼。是羅公自寓感慨讀去殊覺意味寥落與孟襄陽不才明主棄多病故人疎。同一氣象始知文人下筆便可定其一生之榮枯古今人同一轍也。

楊載曰詩之忌有四曰俗意曰俗字曰俗語曰俗韵
楊誠齋曰詩亦有以俗爲雅者然須經前輩鎔化乃
可因承如李之耐可杜之遮莫唐人裏許若箇之
類是也觀杜陵詩亦有全篇常用俗語不害其爲
超妙如云江上被花惱不徹無處告訴只顛狂走
覓南隣愛酒伴經旬出飲獨空牀又云庭前把燭
嗔兩炬峽口驚猿聞一箇白頭老罷翁復歌杖藜
不寐誰能那是也亦痛快可喜

麓堂詩話詩太拙則近於文太巧則近於詞宋之拙
者皆文也元之巧者皆詞也

伍芝軒曰。詩拙則近於俚俗。近於訓詁。如所謂粘皮帶骨者是也。巧則入於怪僻。入於幽晦。如所謂牛鬼蛇神者是也。

梅菴筆記。作詩必以巧進。亦以拙成。故作字惟拙筆最難。至於拙則渾然天全。工巧不足言矣。如楓落吳江冷。澄江淨如練。空梁落燕泥。明月入高樓。流光正徘徊。采菊東籬下。悠然見南山。固是拙句。卽杜陵言之。喜無多屋宇。幸不礙雲山。在家長早起。憂國願年豐。若無青嶂月。愁殺白頭人。一徑野花落。孤村春水生。此五言之拙者也。竹葉於人。旣無

分菊花從此不須開。莫思身外無窮事。且盡生前有限杯。雷聲忽送千峯雨。花氣渾如百合香。秋水纔添四五尺。野航恰受兩三人。此七言之拙者也。他難殫述。可以類推。

近軒偶錄古詩多矣。夫子獨取三百篇存勸戒也。吾輩所作詩亦須有勸戒之意。庶幾不爲徒作。彼有繪畫雕刻無益勸戒者。固爲枉費精力矣。乃若吟賞物華。流連光景。過於求適。幾於誨淫。教偷。則又不可之甚者矣。卽如白樂天對酒詩曰。蝸牛角上爭何事。石火光中寄此身。隨富隨貧且歡喜。不開

笑口是癡人。又曰百歲無多時。壯健一春能幾日。晴明是詩家言之可謂流麗曠達詞旨俱美矣。然讀之者將必起其頽情廢放之意而汲汲於此快樂惜流光則人之職分與夫古之所謂三不朽者將何時而可爲哉。

沈確士曰詩本六籍之一王者以之觀民風考得失非爲艷情發也。雖三百以後離騷興美人之思平子有定情之詠然詞則託之男女義實關乎君臣朋友自子夜讀曲專詠艷情而唐末西昆香奩抑又甚焉去風人遠矣作詩者卽及夫婦男女之詞

要得好色不淫之旨而淫哇私褻非當講說耳

朱東昌曰唐人作詩自一而至十各有深淺次第是一不得移而爲二二亦不得移而爲一如其可移又何分此爲其一此爲其二乎卽如李山甫公子家其一詩曾是皇家幾世侯入雲高第照神州柳遮門戶橫金鎖花擁絃歌咽畫樓錦袖妬姬爭巧笑玉銜驕馬索閒遊麻衣酷獻平生業醉倚春風不點頭其二詩柳底花陰壓路塵瑞烟輕罩一園春鴛鴦占水能欺客鸚鵡嫌籠解罵人腰裏似龍隨日換輕盈如燕逐年新不知盡買長安笑活得

蒼生幾戶貧。首篇起手先寫其家世甲第之華。次
寫其門戶絃歌之盛。又次寫其姬妾侍從雕鞍駿
馬之樂。第二篇方寫其園林池沼珍禽奇獸之觀。
至於腰裏輕盈。雖與前篇同類。然隨日換逐年新。
其奢華蕩佚之事。比之爭笑索遊。爲更甚矣。如此
看來。二首十六句。一句倒換不得。一字移易不得。
可知其首篇以麻衣作結。謂公子家不惜文士。次
篇以蒼生作結。謂公子家不惜民命。二者又何必
截然分開乎。然細玩詩意。亦從上文承寫出來。非
泛然成文者也。如首篇用皇家高第門戶絃歌錦

袖玉衡等意言公子家生長富貴不事詩書寒士
文人之苦了不相關故用麻衣承結第一首切不
可移次篇用鴛鴦欺客鸚鵡罵人腰裏如龍輕盈
如燕等意言公子家奢侈成習不知稼穡艱難爲
何事卽左右僕從窺公子家之餘光者亦皆驕橫
從事可卽禽鳥以類推矣故用蒼生承結第二首
亦切不可移至十首百首之次第皆如此也

徐伯魯曰按和韵詩有三體一曰依韵爲同在一韻
中而不必用其字也二曰次韵謂和其原韻而先
後次第皆用之也三曰用韻謂用其韻而先後不

必次也。如昌黎集有陸渾山火和皇甫湜和其韻是也。古人賡和答其來意而已。初不爲韵所縛。如高適贈杜甫云。草玄今已畢。此外更何言。甫和之則云。草玄吾豈敢。賦或似相如。又如杜洎早發湘潭寄杜甫云。相憶無南雁。何時有報章。甫和云。雖無南過雁。看取北來魚。又如高適人日寄杜甫云。龍鍾遠屬二千石。愧爾東西南北人。甫和云。東西南北更堪論。白首扁舟病獨存。又如杜甫和裴迪逢梅相憶見寄云。幸不折來傷歲暮。若爲看去亂鄉愁。是答迪詩中折來不得同看之語。古人只採

其意見答不聞和韵也。又如杜甫王維岑參和賈至早朝大明宮詩。各自成篇。甫第云詩成珠玉在揮毫。參云陽春一曲和皆難。并其意不用況於韻乎。中唐以還元白皮陸更相倡和。由是此體始盛。然皆不及他作。嚴羽所謂和韵最害人詩者此也。又有因韻而增爲之者。如柳宗元河東集有同劉十八院長。禹錫述舊言懷。感時書事。奉寄澧州張員外使君署五十二韵之作。因其韵增至八十是也。又有置其所用韵而惟取其餘韵者。如河東集載醕韶州裴曹長使君寄道州呂八大使溫。因以見

示二十韵。自序云。韶州幸以詩見及。往復奇麗。用韵尤爲高絕。余因拾其遺韵。酬焉。凡爲韶州所用者。置不取其聲律。言數如是也。此皆由依韵而廣推之。故附著於此。

又曰。按聯句詩。起自栢梁。人各一句。集以成篇。至魏懸瓠。方丈竹堂。讌饗則人各二句。稍變前體。自此之後。體遂不一。有人各四句者。如陶靖節集所載是也。有人各一聯者。如杜甫與李之芳及其甥宇文。或所作是也。有先出一句。聯者對之。聯者就出一句。前人復對之者。如昌黎集載城南詩是也。然

必其人意氣相投筆力相稱而後能爲之否則狗
尾之續難免于譏矣

宋景濂答章秀才書曰唐初承隋陳之弊多尊徐庾
遂致顏靡不振惟陳伯玉痛懲其弊專師漢魏而
友景純淵明復古之功於是爲大開元天寶中杜
子美復繼出上薄風雅下該沈宋席奪蘇李氣吞
曹劉掩顏謝之孤高雜徐庾之流麗直所謂集大
成者並時而作有李太白遠宗風騷及建安七子
其格極高其變化若神龍之不可羈大歷之際錢
郎苗崔諸家亦皆本伯玉而宗黃初詩道於是爲

詩法下
最盛。至於溫飛卿、李商隱諸家。雖人人各有所師。而專誇靡曼。詩之變極矣。宋初襲晚唐之弊。天聖以來。晏錢劉楊數人。第師義山。迨王元之以樂天爲法。歐陽永叔痛矯西崑。以退之爲宗。蘇子美、梅聖俞介乎其間。梅之覃思精微。學孟東野。蘇之筆力橫絕。宗杜子美。亦頗號爲詩道。中興元祐之間。蘇黃挺出。雖曰共師李杜。而競以己意相高。而諸作又廢矣。自此以後。詩人迭起。或波瀾富而句律疎。或煅煉精而性情遠。大抵不出於二家。由此觀之。詩之格力。崇卑固若隨世而變遷。然謂其皆不

相師可乎。第所相師者或有異焉。其上焉者師其意辭固不似而氣象無不同。其下焉者師其辭辭則似矣。求其精神之所寓固未嘗近也。然唯深於比興者乃能察知之爾。然而爲詩當自名家然後可傳於不朽。若體圓畫規。准方作矩。終爲人之臣僕。尚烏得謂之詩哉。是何者。詩乃吟咏性情之具。而所謂風雅頌者皆出于吾之一心。特因事感觸而成。非智力之所能增損也。古之人其初雖有所沿襲。未復自成一家言。又豈規規然必於相師者哉。嗚呼。此未易爲初學道也。近來學者類多自高。

操觚未能成章。輒濶視前古。爲不必師。故其所作。往往猖狂無倫。以揚沙走石爲豪。而不復知有純和冲粹之音。可勝嘆哉。

徐而菴曰。作詩必須師承。若無師承。必須妙悟。雖然。卽有師承。亦須妙悟。蓋妙悟師承。不可偏舉者也。是故由師承得者。堂構宛然。由妙悟得者。性靈獨至。詩固非聊爾事也。

發蒙正規

近軒偶錄學詩先要知平仄。不可失粘大凡五言律詩一句中以二四字爲眼。當以平仄平平仄始。

終粘之起句單。第二句要反初句。第三句要粘第
二句。第四句要反第三句。第五句要粘第四句。第
六句要反第五句。第七句要粘第六句。第八句要
反第七句。與起句同。七言律以一句中二四六字
爲眼。呼平仄平仄平仄平。始終粘之。二三句
同。四五句同。六七句同。首尾句同。此謂不失粘。蓋
一三五不論。謂詩句中第一字第三字第五字。或
當用平而用仄亦可。或當用仄而用平亦可。不必
拘定。二四六分明。第二字第四字第六字。當用平
者一定用平。當用仄者一定用仄。不可移易。排律

絕句皆然。古詩則不拘矣。平上去入爲四聲。其上
去入三聲俱屬仄。

閻潭詩法。律詩名近體。五言七言皆八句。謂之律律
者。調平仄。拘對偶。如法律之嚴也。

徐伯魯曰。詩至梁陳儷句漸多。雖名古詩。已具律體。
唐興。沈宋之流。更加精練。號爲律詩。其詩一二名

起聯。又名發句。三四名頷聯。

頷。頤也。

五六名頸聯。

如身。

之有七八名尾聯。又名落句。又名繳結。大抵律詩

之作。或因情以寓景。或因景以見情。以格調爲主。
意興經之。詞句緯之。以渾厚爲上。雅淡次之。穠豔

又次之學者知此而各充其才則盛唐可復見於今矣。五排試體則頸聯下加以腹聯後聯而結以收之。

五律論

胡應麟曰五言律體肇自齊梁而極盛於唐要其大端有二格典麗精工清空閒遠。

消夏錄五律叶以四聲限以八句局法不同大概有二一立意一卽事立意者於題中另立己意以抒寫也卽事者卽題中所有之意以抒寫也立意詩必有主句主句在上則下面句句皆要迴顧主句

在下則上面句句皆要。奔注主句在中則上句要。奔注下句要。迴顧因局立法無定形也。卽事詩有用主句有不用主句。用主句者其法同上。惟應制咏物與興會卒然之作間或不用主句。然層次照應諸法亦斷不舛錯也。如王績野望詩。東臯薄暮望。徙倚欲何依。樹樹皆秋色。山山惟落暉。牧人驅犢返。獵馬帶禽歸。相顧無相識。長歌懷采薇。此立意詩。薄暮望欲何依。主句也。下邊秋色落暉牧人獵馬俱是薄暮望之景。皆字惟字返字歸字俱是欲何依之情。所以用相顧句一總顧住末句說出。

自○己○胸○襟○也○卽○事○詩○如○杜○審○言○都○尉○山○亭○云○紫○藤○
縈○葛○藟○綠○刺○冒○薔○薇○下○釣○看○魚○躍○探○巢○畏○鳥○飛○葉○
疎○荷○已○晚○枝○亞○菓○初○肥○勝○跡○多○無○限○只○應○伴○月○歸○
篇○中○不○用○主○句○逐○句○排○寫○以○第○七○句○頓○住○蕩○出○結○
句○此○卽○事○體○也○

楊士弘曰○律詩破題○或對景興起○或比物起○或引事○
起○或就題起○要突兀高遠○如狂風捲浪○勢欲滔天○
領聯○或寫意○或寫景○或叙事○或引證○此聯要接破○
題○如驪龍之珠○抱而不脫○頸聯○或寫意○或寫景○或○
叙事○或引證○與前聯之意○相應相避○此聯要變化○

如疾雷破山觀者驚愕結句或就題結或開一步或繳前聯之意或用事必放一步作收場如剡溪之棹自去自回言有盡而意無窮

譚苑醍醐五言律詩起句最難六朝人稱謝朓工於發端如大江流日夜客心悲未央雄壓千古矣余愛柳渾汀洲採白蘋日落江南春吳均咸陽春草芳秦帝捲衣裳又春從何處來拂水復驚梅梁元帝山高巫峽長垂柳復垂楊唐蘇頌北風吹早雁日日渡河飛張柬之淮南有小山麤女隱其間王維風勁角弓鳴將軍獵渭城杜甫將軍膽氣雄臂

懸兩角弓。雖律也。而含古意。皆起句之妙。可以爲法。

周弼曰。五言律。其中四句。須前聯情而虛。後聯景而實。實則氣勢雄健。虛則態度諧婉。輕前重後。劑量適均。無塞窒輕餒之患。如王維過香積寺詩。古木無人徑。深山何處鐘。泉聲咽危石。日色冷青松。前聯虛。後聯實也。宗唐詩者。多尚此體。若前聯景而實。後聯情而虛。前重後輕。多流於弱。蓋發興盡則難於繼矣。

范德機曰。律詩必須守規矩。試看太白贈盧徵君詩。

云。陶令辭彭澤。梁鴻入會稽。我尋高士傳。君與古人齊。雲臥流丹壑。天書降紫泥。不知楊伯起。早晚向關西。此等五言。何其嚴哉。今人虛實輕重。且不審惡乎律。

方虛谷曰。如老杜奉酬李都督早春詩。力疾坐清曉。采詩悲早春。轉添愁伴客。更覺老隨人。紅入桃花嫩。青歸柳葉新。望鄉應未已。四海尚風塵。此詩桃花對柳。人人能之。惟紅字下着一入字。青字下着一歸字。乃是兩句中字眼。是也大凡詩兩句說景。大濃大闊。卽兩句說情。爲佳。轉添更覺亦是兩

句字眼非苟然也。所以悲早春。所以轉愁。所以更老。尾句始應破。以四海風塵。干戈未已。望鄉思土。故無聊耳。學者詳之。

近軒偶錄作詩不可冗。如張籍送從弟往蘇州詩。楊柳間門路。悠悠水岸斜。乘舟向山寺。著屐到漁家。夜月紅柑樹。秋風白藕花。江天詩景好。迴日莫言賒。此蘇州風景也。乘舟著屐一聯。膾炙人口。紅柑白藕一聯。太綺故。尾句放寬。不然冗矣。

沈確士曰。王維終南山詩。太乙近天都。連山到海隅。白雲迴望合。青靄入看無。分野中峯變。陰晴衆壑

殊欲投人處宿。隔水問樵夫。近天都言其高。到海隅。言其遠。分野二句。言其大。遊將竟日。尚無處宿。其大何如。四十字中。無所不包。此種當奉爲式。

顧小謝曰。詩中惟沈鬱最難。而於五言律中。爲尤難。至於開闔頓跌之法。稍覺顯易。然亦要筆力。開者與下意。似不相屬。闔者與上意。忽然相合。有兩句爲開闔者。此法甚多也。有兩句開一句闔者。如沈雲卿詩。玉窻朝日映。羅帳春風吹。兩句開。而第三句拭淚攀楊柳。一句合也。有兩句開兩句合者。如王勃詩。金鳳隣銅雀。漳河望鄴城。此兩句開也。君

王無處所。臺榭若平生。此兩句合也。有半首開半首合者。如張曲江詩。溪流清且深。上半首開也。至我猶不忍別。下半首合也。詩至半首作開合難矣。獨陳射洪詩。美人夾趙瑟。至清光委衾枕。五句皆開。而遙思屬湘沅。三句忽然一合。筆力甚大。頓者。頓以養局也。有雙句頓。單句頓。如沈佺期紫騮馬詩之腕足追奔易。長鳴遇賞難。二句送公主適蕃。詩之玉就歌中怨。珠辭掌上恩。二句王無功野望詩之相顧無相識。一句或申明上意。或側出上意。或繳足上意。跌者。跌以起下也。有雙句跌。單句跌。

如必簡和陸丞早春詩之獨有宦遊人偏驚物候
新兩句射洪別故人詩之平生亦何恨一句或跌
落下意或跌醒正意大約承句是頓折句是跌也
外此又有蕩一句法似開不開似合不合如陳射
洪晚次樂鄉詩之噉噉夜猿鳴宋延清侍宴詩之
空外有飛烟等句也有陪一句法似頓非頓似跌
非跌如太宗早春詩起云寒隨窮律變杜必簡咏
終南山詩起云北斗掛城邊等句也有添一句法
於題意外添出意來如沈雲卿關山月詩之將軍
聽曉角宋延清泛鏡湖溪詩之猶聞可憐處等句

也有蕩句。便不呆板。有陪句。便不直率。有添句。便不單薄。此法脉之大概也。學詩者。不泥於法。不脫於法。則得矣。

又曰。作詩須簡練。如杜少陵。和康五望月有懷詩。明月高秋迥。愁人獨夜看。暫將弓並曲。翻與扇俱圓。露濯清輝苦。風飄素影寒。羅衣一此鑒。頓使別離難。是因明月之迥。想其照到愁人。以下便句句從愁人口中說出。眼中看出。如張曲江望月懷遠詩。海上生明月。天涯共此時。情人怨遙夜。竟夕起相思。滅燭憐光滿。披衣覺露滋。不堪盈手贈。還寢夢

言法指南 卷一 三
佳期以共字逗起情人怨字逗起相思以下四句
皆是摹寫情人竟夕無聊景況與必簡作一樣用
意但必簡作較之曲江尤爲簡練如曲江海上升
明月天涯共此時兩句必簡則用明月高秋迥一
句言明月至高秋而迥則無虛不照練一迥字可
省却天涯共此時一句矣曲江情人怨遙夜竟夕
起相思兩句必簡則用愁人獨夜看一句言愁人
於月夜獨看則無時不想練一愁字獨字可省却
竟夕起相思一句矣所謂練字法也不特此也卽
如海上生明月五字止說得明月至必簡明月高

秋四字內。又添入高秋二字。便多一層景象矣。如
怨遙夜起。相思六字。止說得怨字。至必簡獨夜看
三字內。又添入看字。便多一層人情矣。所以必簡
三四兩句。尚有餘力。摹寫愁人。比擬口氣。而曲江
五六止好。抵必簡五六無暇再發餘意也。又如必
簡露濯清輝。苦風飄素影。寒苦寒二字。說月卽說
人。說人卽說月。句滿意足。而曲江滅燭憐光滿。披
衣覺露滋。憐字只說人。滿字只說月。覺字只說人。
滋字只說露。字單句薄。所以必簡結句。尚有餘力。
摹寫愁人。將來難于離別。無數苦情。而曲江結句。

止完足五六之所未盡又無暇再發餘意也所謂練字成句練句成篇之法

瀛奎律曰李羣玉登蒲澗寺後巖詩三四一聯云澗有堯時韭山餘禹日糧對工矣詩忌太工工而無味如近人四六及小學對答則不可拘此比式則爲毘體善爲詩者備衆體亦不可無此也如老杜能變化爲善之善者五六一聯云樓臺籠海色草樹發天香則精神矣

五排論

高棟曰排律之作其源自顏謝諸人古詩之變首尾

排句。聯對精工。梁陳以還。儷句尤多。唐興。始專此體。與古詩差別。

閩潭詩法。排律者。對偶平仄。與律詩同。其起止照應。與長篇古風同。於八句律詩之外。任意鋪排。聯句多寡不拘。大約不以鍛鍊爲工。而以布置有序。通貫爲尚。

沈確士曰。排律貴嚴整。貴勻稱。貴屬對工切。貴血脉動盪。

益王潢南曰。五言排律。與五言律詩。其句法雖同。篇法實異。律詩描寫情景。止盡於四十字耳。故貴寬。

閒蘊藉之中。又有嚴密緊湊之妙。若排律或數十
韵。或百餘韻。其篇法豈五言律法可同。故作排律
其要有四。一貴鋪叙。得體先後。不亂。二貴隊伍整
肅。情景分明。三貴過度明白。不令人沉思回顧。四
貴氣象寬大。從容不迫。斯爲得體。其修辭煉句繁
冗混雜。險怪艱深。令人三讀不知。翻不如五言律
矣。昔白樂天作小詞。尚令老婢得解。況於長律乎
哉。

徐周吾曰。排律之體。所貴反覆議論。井井有條。意興
迭出一氣呵成。賦景入事。皆須各當其可。切忌散

緩錯亂屋上架屋意興索然則深可厭矣

胡應麟曰凡排律起句極宜冠冕雄渾不得作小家語唐人可法者如駱賓王二廷歸望斷萬里客心愁杜審言六位乾坤動三微歷數遷沈佺期閨連雲起巖廊拂霧開元宗鍾鼓嚴更曙山河野望通張說禮樂逢明主韜鈴用老臣李白獨坐清天下專征四海隅高適雲紀軒皇代星高太白年此類最爲得體

沈確士曰盧照鄰送孟學士南遊詩前人但賞其起云地道巴陵北天山弱水東兩句雄渾須觀其接

云相看萬餘里。共倚一征蓬。至末一氣承接不平。實不板滯。此種最佳。

徐而菴曰。六韻排律之總特也。嫻習六韻。則百韻無難事矣。百韻詩總把律詩八句中間排進去。須要次第安放得好。

仇滄柱曰。排律要識段落。一章分幾段。看須得逐段還題之法。

錢尊王曰。排律之名。始于品彙。唐人名長律。

詩史長律妙鋪叙時一聯挑轉。又平平說去。轉換數匝。却將數語收拾妙矣。○短章詩斷處多用突接。

長排體則須用鈞挑之法。每段出落處回顧上文者爲鈞。逗起下文者爲挑。必層層連絡。各有開合。照應。否則散漫不屬矣。

唐開科取士。率用五言排律。唐人試帖。不獨毛西河先生有論定之本。他如司空魯亮儕先生。閔中馬孝升先生。各有評釋。試帖例定六韻。亦偶有八韻者。由主司臨時所命。如玄宗皇帝應見帖是也。今見會試諸公循名責實篇。

功令八韻。按西河先生所刊試帖四卷。八韻詩止七首。試帖與應制原相表裏。因將唐人試帖應制八

韵諸篇及題近朝省近試帖而語無不吉者選錄於後以爲初學應試穿楊之的焉諸詩分類挨列故人名先後不

照世次

玄元皇帝應見賀聖祚無疆唐書武德三年追尊老子爲玄元皇帝

帝天宝七年或言玄元降於朝元閣上于清華宮中起老子殿朝元閣改名降聖閣應見謂靈應顯著

李岑

皇綱歸有道帝系祖玄元作頌語運表南山祚神通

北極尊詩如南山之壽荆州星大同齊日月興發應

乾坤洪範是之謂大同易大人者與日月合其明辭黃帝堯舜垂衣裳而天下治蓋取諸乾坤此

四句應見屋祚雙開聖后趨庭禮宗臣稽首言于官欣肆觀書

迎字圖雋典
字高渾
為迎春字加
色

肆觀萬國賀深恩通鑑禹會諸侯于塗東侯萬國賀深恩山執玉帛者萬國錫宴雲天接
飛聲雷地喧賀寫祥光浮紫閣喜氣遶黃軒仍融合應
未預承天命空勤望帝門結甚宛轉

迎春東郊禮月令立春天子率三公諸侯大夫以迎春于東郊

張濯

顓頊時初謝顓頊冬帝勾芒令復陳勾芒春神是飛
灰將應節寅日已知春是迎春考歷明三統漢書歷者
端正分至之節故聖人考歷數以正迎祥與萬人衣
三元三統者天施地化人事之紀也迎祥與萬人衣
冠宵執玉壇墀曉清塵肅穆來東道回環拱北辰伏
前花待發旂處柳凝新雲歛黃山際黃山宮在永開
長安城東

素湓濱

湓水在西安府城東

聖朝多慶賞希為薦沉淪

奉和正日臨朝應詔

崔寔月令正月一日是謂正日

岑文本

時確表昌運日正叶靈符扣題德兼三代禮功包四海

圖承用踰沙紛在列執玉儼相趨賦朝唐故事凡拜相府縣載沙填路

名曰沙堤書注公執樞主侯執信圭伯執躬圭子執穀璧男執蒲璧謂五玉清蹕喧輦道

張樂駭天衢天子輦動出則傳蹕止拂蜺九旗映儀

鳳八音殊玉沈賦夷招搖之修旂若虹蜺之垂天周

克諧此四佳氣浮仙掌薰風繞帝梧西都賦抗仙掌以承露

詩外傳黃帝時鳳棲帝梧天文光七政皇恩被九區

書注七政日月五星文選存威格方陪瘞玉禮珥筆

平九區二句以天文儀皇恩

代山隅王義恭表瘞玉侍宗

奉和聖製十五夜燃燈繼以酺宴應制漢書文帝紀注

上路笙歌滿春城漏刻長破十夜游人多晝日明月讓

燈光承出魚鑰同翔鳳龍輿出建章九衢陳廣樂百

福透名香四句言夜景之佳芝田錄門鑰必以魚者

樓臺輿服志大駕左畫青龍東京賦柏梁既灾建章

是營百詩車馬紛紛盈九衢更趙世家趙簡子寤曰

我之帝所與百神遊于鈞天廣樂九奏萬舞不類仙

三代之樂唐六典百福殿在太極宮宜欣門之右仙

妓來金殿都人繞玉堂寫群遊之盛古詞上金殿酌

殿定應偷艷舞從此學新粧古詩絨絨紅粉粧奉引迎三事

司儀列萬方漢官儀大駕則公卿奉引注奉引為引導詩三事大夫周禮司儀掌九儀之賓

客儻相願將天地壽同以獻君王楚詞與天地兮齊壽

春中與慶官酺宴師古曰酺之為言布也王德布天下而合聚飲食為酺

玄宗

九達長安道三陽別館春春與興慶宮總和還將聽朝暇迴

作豫遊辰一句開不戰要荒服無刑禮樂新楊子堯舜不戰

而屈人兵禹貢五百里要服五百里荒服漢書文景之世幾至刑措周禮以五禮防萬民之偽而教之中

以六樂防萬民之情而教合酺覃土宇歡宴接群臣

之和二句逗起酺宴意清出玉笋飛千日瓊筵薦八珍正寫酺宴博物志劉詠宴玉笋飛千日瓊筵薦八珍京石曾于中山酒家

立酒酒家與千日酒飲之一舞衣雲曳影歌扇月開
醉千日劉瑞詩八珍羅玉俎俱舞衣雲曳影歌扇月開
輪伐鼓魚龍雜撞鐘角觥陳俱舞衣雲曳影歌扇月開
終酣興晚須有醉歸人作魚龍角觥之戲曲

奉和聖製春中興慶宮酺宴應制

張說

千齡逢啟聖萬國共來威

先言酺宴之由

慶接郊禋

後酺承農事稀

天寶十一年京宗祀南郊

御樓橫廣

路天樂下重閣

切典慶宮鸞鳳調歌曲虹霓動舞衣合聲

雲上聚連步月中歸

酺宴景色物覩恩無外神和道入微

易聖人作而萬物覩詩

鑄京陪樂飲

實賦宴詩王在

神之聽之終和且平

在鑄豈樂飲酒

栢殿奉文飛

和聖製漢武帝起栢梁臺置酒其上詔群臣賦詩

徒竭秋雲影

自喻何資春日輝日喻君仍帶春字

夏月花萼樓酺宴應制

花萼樓在興慶宮西京宗建樓與諸王宴樂

王昌齡

土德三元正

扣夏季夏之堯心萬國同

頌聖入題沈約詩我皇秉

至德忘已

汾陰備冬禮

漢紀元鼎四年冬武帝長樂

應和風

二句以冬禮春風

賜慶垂天澤流權舊清宮

清宮楚宮各借用舊者明皇居藩之邸樓臺生海上

也二句言既賜慶于民而又宴群臣也

樓臺生海上

簫鼓出天中

樓在池上如海掩映霧曉筵初接宵長

言人和感天雨

曲未終

入雨隨行幕合月照舞羅空驟澤物而月復

射光李白詩美玉陛分朝立。文章發聖聰。愚臣忝詩
人。向月舞羅衣。
賦歌咏頌絲桐。

千秋晏節

舊唐書開元十七年八月癸亥上以
降誕日宴百寮於花萼樓下百寮表

請以每年八月
五日為千秋節

玄宗

蘭殿千秋節

漢武帝生
于倚蘭殿

稱君萬歲觴

扣

風傳率上慶

日表繼天祥

玉宇開

花萼金懸動會昌

玉宇說殿金
懸說樂而隱

合秋

衣冠白露下

薛道衡詩高
秋白露圓

鑾幕翠雲長

杜詩天
子翠雲

表二句

獻壽成新俗。朝儀入舊章。月。嘲花。綬。鏡。露。綬。

綵絲囊

四句寔賦
寔節明皇千秋節王
公以下獻鏡及承露囊綬席

處處祠田祖

年年宴杖鄉

二句推

深思一德事

書惟

天佑小獲萬

秀雅乾倫

人康以君臣一德時和年豐結出人君心事

奉和聖製南郊禮畢酺宴應制 張九齡

配天昭聖業。率土慶輝光。左傳祀夏配天詩率土之濱。跟南郊禮畢直入酺

宴說春發。三條路酺開。百戲場西都賦披三條之廣路。古詩百戲起魚龍

到底春發。三條路酺開。百戲場西都賦披三條之廣路。古詩百戲起魚龍

流恩均庶品。縱觀聚康莊。釋名四達為莊。妙舞來平樂。康五達為莊。妙舞來平樂。

漸聲出建章。平樂建章。皆官名。分曹日抱戴。赴節鳳歸昌。寶天

十六載上封泰山。還南宮慶雲見。抱日戴五幸奏承

老對黃帝日。鳳舉鳴曰上翔集。鳴曰歸昌。幸奏承

雲樂同晞湛露場。高陽氏作樂享上帝曰承雲詩湛

也。和氣皆有感厚澤。自無疆飽德群臣醉。連歌奏栢

梁。栢梁見前註。

奉和聖製登朝元閣

錢起

六合紆京覽重軒啟上清

和題老子京之又玄道石書上清玉宸道君居之

林飛棟出霞頂泰階平

王勃詩畫棟朝飛南浦雲六符經泰階者天之三階也應

邵曰泰階平則拂曙鑾輿上晞陽瑞雪晴翠微回日陰陽和風雨時

馭山未及上日翠

丹巘駐天行

寫登字

御氣升銀漢垂

衣俯錦城

白詩河謂之銀漢李詩錦城雖云樂

山通玉苑迥河抱紫關

明。崑崙山上有瑤房老子將

感物乾坤動凝神道化

成遙應周王陟喬嶽列辟仰英聲

詩於皇時周陟其高山臨山喬嶽相

如封禪書飛英聲

東都父老望幸

長安謂西都洛邑謂東都

鄭馥

鑾輿秦地久。羽衛洛陽空。洛邑在洛水之陽故名蓋以西起東空字是指羽衛

彼土雖憑固。茲川乃得中。秦孝公據崤函之固洛邑為天地之中二句正是望

意龍顏觀白日。鶴髮仰清風。元命苞黃帝龍顏漢趙典蒼大儀雀髮望

幸誠逾貌。懷來意不窮。四語實賦望幸昔因封泰嶽今定臨

維嵩。二句作跌宕京宗十三年東封泰嶽天地心無異

神祇理亦同。翠華翹渭北。玉簡候關東。翠華天子之旗封禪用玉

簡。眾願其誰阻。明君早勤功。通典王者封禪刻石以紀功績

扈從登封告成頌應制 宋之問

御路迴中嶽。嵩山為天營接下都。雙起承經注崑崙

百靈無後至。萬國競前驅。承出扈從魏徵詩百靈侍軒后周禮太僕主出入則

自左馭文衛嚴清蹕幽仙讀寶符寫登封世說嵩山北穴中有仙館更
而前驅子藏貝花明漢果芝草入堯厨拾遺記少室山有貝多花
記趙簡子常山世紀堯濟濟衣冠會喧喧夷夏俱
花白色香美帝王肉脯治天下厨中自生肉脯
又寫宗禪仰神理憲禪于刊木望川途禹貢隨扈從
貧非病時來木不愚謙自願隨丹鳳輦率舞白雲衢
山記洞中皆龍車鳳輦子乘彼白雲至於帝鄉

早登太行山中言志

玄宗

清蹕度河陽河陽縣屬孟州凝笳上太行直火龍明鳥道火
即火炬也鳥鐵騎繞羊腸駱賓王揚鐵騎成群使白
道鐵騎繞羊腸記羊腸坂在太行山上白
露埋陰壑丹霞助曉光四語寫澗泉含宿凍山木帶

餘霜野老茅為室樵人薜作裳四語寫所見楚詞採薜荔以為裳宣

風問耆艾敦俗勸耕桑涼德慙先哲徽猷慕昔王四語

言不因今展義何以冒垂堂左傳天子非展義不巡狩相如諫儼書千金之

子坐不垂堂

奉和聖製早登太行山中言志應制

張說

六龍鳴玉鑾九折步雲端一路直入易時乘六龍以御天河脊南浮

近山經北上難一句入題羽儀映松雪戈甲帶春寒

百谷晨笳動千巖曉仗攢俱含皇心感韶節敷藻念

人安指言既立省方館復置建神壇易先王以省方觀民匪馴北巡

頌飲嘗百神禮四履。蹕參天老。非三三公燮理陰陽
坎壇祭四方也。司馬謂夏
豈足任此。承榮忝夏官。此說已長勤百年意思
此指同寅見一勝殘

奉和聖製早登太行山中言志應制

王翰

補遺詩藏卷
遊首山觀河清
有五老游一老
曰河圖將來告
帝昀堯歌詠飛
夫入二鼎

金吾戒道清羽騎動天聲。金吾緹騎二百砥路方南
紀南國之紀重巖始北征。入題關樓前望遠河邑
下觀平喜氣迴與合祥風入旆輕祝堯五老至會禹
百神迎。俱正賦題面莊子華封人祝堯曰願聖人多
名忽雲中甲馬千人中有以紅綳祿額者禹問月令
之對曰此祿額蓋武士之首服乃海神來朝也

農先急。禮記天子以元日祈穀。春蒐禮後行。至傳春

皆農墾以仍親后土祭。禮記注勾龍為更理晉陽兵

講武事也。薛道衡從駕幸晉陽詩金吾朝戒不以勞車轍空留

道校尉晚巡營禮中。秋教治兵。八駿名。將有車轍馬跡云。應制。張九齡

奉和聖製早登太行山中。言志。張九齡

孟月攝提貞。通鑑歲在寅。乘時我后征。入晨嚴九折

度暮戒六軍行。河水九折登山必日御馳中道風師

卷太清。淮南子曰乘車駕以六龍義和戈鋌林表出

組練雪間明。東都賦戈鋌彗雲註。動植希皇

豫高深奉膚情。願言陪遊七聖列望幸百神迎。黃帝

從源頭說入

二聯美點

典切

將見大隗至人於具茨山方明為御昌寓膠乘張若
陽明前馬昆閼滑稽後車至于襄城之野七聖皆迷
無所問途詩氣色烟猶喜恩光草尚榮寫景之牙稱萬

懷柔百神

歲今此復同聲西京雜記武帝登之采浮大海山

昆明池侍宴應制

二統志昆明池在上林苑漢武帝欲伐昆明穿此以習水

戰

沈佺期

武帝伐昆明穿池習五兵水同河漢在館有豫章名

純以氣調制超我后光天德垂衣文教成先頌黷兵非帝念

勞物豈皇情是上春仗過鯨沼雲旂出鳳城靈魚銜

寶曜仙女廢機迎三輔皇圖昆明池上刻石為鯨魚

石人東西對立柳拂旌門暗蘭依帳殿生寫景而還

似象牽牛織女

如流水曲琴曲譜有石上流泉曲日晚掉歌聲漢武秋風辭蕭鼓鳴兮發棹歌

流水棹歌俱與昆明池開合

左丞相張說右丞相宋璟太子少傅源乾曜同

日上宮命宴都堂賜詩

玄宗

起莊重

入手不費力

補身修德廟
堂遺賢中後
子

赤帝收三傑先總扣三巨漢書高帝云子房蕭何韓
天下黃軒舉二臣次扣左右丞通鑑註黃帝依夢占
也救于天澤由來丞相重分掌國之均
以爲將網百揆詩太師我有握中璧雙飛席上珍
尹氏秉國之均我子房推道要仲子訝風
丞相晉劉琨詩握中有元璧
託儒有席上之珍以待聘
神二句點復輟台衡老復侯京傳餘將爲調護人二
張宋

魏國鎮撫相
國文帝在東宮
賜五熟金銘曰
欽相推德寬舒
金鼓相和連挺

串合少傳高祖謂四皓
日煩公等誤護太子
上樂聚南宮宴
賜連北斗醇
寫宴唐以禮部為南俾
官古詩堯博傾北斗
予成百揆
畫百揆
垂拱問羹倫
畫垂拱而
時叙
天下治

奉和御製說與宋璟源乾曜同日上官命宴都

堂賜詩

張說

大塊鎔群品。輕生偶聖時。猥承三仕命。虛忝百僚師。
起承從
右揆謀華碩。
指前星傳重資。
指源晉天文志
已說
太連騫求舊禮。
同日上官畫
濫點樂賢詩。
賜錫釜同
榮拜。同日
撥金宴宰司。
命菊花吹御酒。
足命蘭葉捧
天詞。
足賜
寶歷休明盛。
君顏年晷漏衰。
謙少留青史

筆未敢赤松期

漢書張良辟穀言欲與赤松子遊

奉和御製璟與張說源乾曜同日上官命宴都

堂賜詩

宋璟

丞相邦之重。非賢諒不居。老臣庸且憊。何德以當諸。
以箋表中語入詩。莊厚秩先為忝。崇班復此除。太常
重得體。下逐層叙出。陳禮樂中。披降簪裾。聖酒江河潤。仙文象緯舒。冒恩
懷寵錫。陳力省空虛。郭隗慚無駿。馮驩愧有魚。四語自謙
國策郭隗曰。古人君有以千金。僂人買千里馬者。
馬已死。買其骨五百金。逐曰。死馬且買。況生者乎。期
年而千里之馬至者三。王今必欲致士。先從隗。
始。詔嘗客馮驩。彈鈇歌曰。長鈇歸來乎。食無魚。不知
周勃者。榮幸更何如。結指張源漢書周勃為大木

奉和御製乾曜與張說宋璟同日上官命宴都

堂賜詩

源乾曜

睿作超千古

以御製起

湛恩育萬人

從率土沐恩入題

遞遷俱荷

澤同拜忽為鄰

舊臣哉

道合徽音暢芳馳景命新

同寫

官日上

鼓鐘樂享禮鵷鷺集朝倫

寫

竊位思官謫雕容

謝木春慙多無以叙

拙備實難陳

自謙

進綬懷三少

指張

宋百官表少師少傅少保謂三少

承光盡百身

說已

詩人

自當歸第

日何幸列宮臣

同李舍人日宴安樂公主山池

唐書安樂公主中宗最幼女以

臨川長公主宅為第累石肖華山鑿定昆池延袤數里

沈佺期

常聞天女貴家郎帝居連扣公亭棟宜春果山銜太

液泉一句伏宴一句山池建章宮橋低鳥鵲夜說池雁南

河成橋而臺起鳳凰年說山天朝事跡宋元嘉中鳳

椒故事猶如此新圖更可憐入詩法紫巖粧閣透班

記宋武帝女壽陽公主臥殿簷下梅青嶂妓樓懸二

花落額拂之不去後因為梅花粧池寫梅花寒待

切主峰奪香爐巧摹寫池偷明鏡圓摹寫梅花寒待

雪桂葉曉留烟點染主興盡方投轄金聲還復傳結

日宴陳遵宴賓客取客車轉授井中雖有急不得出

奉和幸韋嗣立山莊侍宴應制唐書韋嗣立營

鷗谷帝臨幸命從官賦詩制序冠篇賜貺
優備因封嗣立逍遙公名所居曰清虛原

宋之問

樞掖調梅暇

扣人韋嗣立拜兵部尚書同中書門下三品璽若和羹用汝作鹽梅林園

藝槿初

扣入朝榮劍履退食偶琴書肅何傳賜帶劍

退地隱東巖室

扣山天迴北斗車扣幸山莊斗為旌

門臨露

露靈光殿賦輦道屬扶疎雲罕明丹壑蔡

郎獨斷前驅

霜笳徹紫虛百帖蔡琰為笳水疑投石

有九龍雲罕霜笳徹紫虛第十八拍琴曲水疑投石

處張良誦三畧之法遇高祖其溪似釣璫餘太公釣

得玉璫刻曰姬帝澤頌卮酒人歡頌思間寫待一承

黃竹咏

長奉白茅居雙結穆天子獵於鈿山北風雨雪作黃竹詩三章在詩背郭堂

成蔭

白茅

奉和幸韋嗣立山莊侍宴應制 武平一

三光迴斗極萬騎肅鈎陳。幸起百集王者法勾陳設環列地若遊汾

水。畎疑歷渭濱。承幸山莊漢武秋風辭汎樓船今濟汾河六韜文王田于渭陽得太公

圓塘冰寫鏡。遙樹露成春。山莊景色。絃奏魚聽曲。荀子匏

游魚機忘鳥狎人。列于海上之入好鷗者每日之海出聽機忘鳥狎人從鷗鳥遊鳥之至者百數以忘機

也。此寫魚鳥之樂也。築巖思感夢。殷高宗夢帝賚良而益見從幸之樂也。彌以象求於傅巖

磻石想垂綸。見上落影搖紅壁層陰結翠筠。寫臨幸之優賜。薄暮清笳動天文

素風紛可尚。哀澤藹無垠。寫賜賜之優賜。薄暮清笳動天文

煥紫宸。

奉和幸韋嗣立山莊侍宴應制 劉憲

東山有謝安。枉道駕鳴鸞。雙起。綈騎分初日。霓旌度曉
寒。承雲蹕巖間下。虹橋澗底盤。幽棲俄以肩。聖矚宛
餘歡。四語寫幸山莊。崖懸飛溜直。岸轉綠潭寬。寫桂華堯酒
令。松響舜弦彈。映侍宴孔叢子平原君強子高飲曰
傳舜揮五弦。明主恩斯極。賢臣節更殫。不才叨侍從
之琴歌南風咏德以濡翰。

奉和幸韋嗣立山莊侍宴應制 李 乂

台階好赤松。天符經泰階天有三階。孟康漢書注三
上別業對青峰。莊也。天官書三台為三公之象。赤松見
註別業對青峰。起茅室承三顧。葛三顧草廬。花源接
九重。天子之門九重。龍旂縈秀水。詩龍旂鳳輦拂疎

節唐典服制大駕金鳳一在軾前運狹千官擁溪長萬里容幸山莊

水塘開禹膳禹餘糧季群玉詩山餘禹日糧日閣

獻堯鍾寫侍皇鑒清居遠天文膚獎濃序指詩共榮承

和府偏降逆人封以消遙公清虛原結

早秋集賢院卽事

劉禹錫

金數已三伏火星西正流扣早秋陰陽晝夏至後第

伏立秋後初庚爲末伏顏師古三立秋之後以金代

火金畏于火故至庚日必伏庚金也詩七月流火毛

也流下也樹含清露曉閣倚碧天秋承出院字灰

琯應新律銅壺添夜籌天京經調律者度律爲琯葭

以玉爲之凡十有二十六律六呂也張衡漏水轉運儀

制以銅爲器實以清水以玉札吐漏水入兩壺有爲

原達其目
州奉旨崔宣付
史館

夜左
為書商飈從朔塞。爽氣入神州。四語寫蕙草香書殿。
槐花點御樓。寫集山明真色現水靜濁烟收景早

歲添華髮再來成白頭。幸依郡王府末路。尚瀛州。景早
祀志海中三神山
日蓬萊方丈瀛州。

南宮夜直見李給事封題其日所下勅制知奏
直在東省因以詩寄
令狐楚

番直同遙夜。嚴局限幾重。從兩直青編書白雀黃紙。
降蒼龍。因話錄大中中孔溫裕貶彬州有崔喜於定
詔勅皆用黃紙。帝王世紀蒼頡造文字。北極綵綸句
韋續字源。唐懷素氏獲景龍之瑞作龍書。北極綵綸句
東垣翰墨蹤。禮記王言如綸尚垂京露點。猶識紫泥封。

文字志垂露書漢中郎曹喜所作以書章奏如懸針
 而不道勁如那若濃露之垂故曰垂露漢官儀天子
 都紫泥封之炫眼凝仙燭馳心哀禁鍾定應勞夢寐
 暫似接音容寫知矣玉樹春枝動金樽蠟醞濃東省
 在朝君最舊休海許過從

和姚給事寓直之作

宋之問

清論滿朝陽詩梧桐生矣高才拜夕郎黃門郎每日
 拜謂之還從避馬路來接珥貂行後漢桓典拜侍御
 夕郎語曰行行且止避驄馬御史侍中中常侍冠武弁寵
 貂尾飾四句言姓白郎自御史而遷侍中也
 就黃扉日感想白簡霜柏臺遷鳥茂蘭署得人芳禁
 日黃闥霍篆歲簡上霜凝漢書御史府中列栢樹常
 有野鳥數十棲宿其上御史在蘭臺掌圖籍秘書

四句言給事切近于君禁靜鐘初徹更疎漏更長曉河低武庫

流火度文昌武庫在未央宮以藏兵器亦星名斗魁

言給事禁戴匡六星為文昌宮又正殿名四句中之待漏寓直光輝重至此始乘秋藻翰揚寫給事

暗投空欲報下調不成章此言給事詩欲我和猶如

乎章

和許給事直夜簡諸公

張九齡

未央鐘漏晚未央宮名仙宇藹沉沉先破夜漢制尚書省

宇武衛千廬合巖局萬戶深直宿日廬左掖知天近

左右掖垣承南窓見月臨樹搖金掌露庭接玉樓陰

四句寫禁中他日聞更直尚書郎主作文書起草書

夜景清絕夜更直五日于建禮門

中宵屬所欽聲華大國寶夙夜侍臣心
程詩聲華大在公。四句寫中宵更直諸公乃我欽慕之人蓋其聲華既重而復勤臣節也逸興乘高閣雄飛在禁林。寫給亭寄詩蘇代謂奉陽君曰。寧思竊并者情發為知音。竊非附也結出和詩簡諸公意

奉使巡檢兩京路果樹事畢入秦因詠歌

鄭審

聖德周天壤韶華滿帝畿
從普天下入兩京得體九重承渙汗
奉使易渙汗其大號千里樹芳菲
入果樹陝塞餘陰薄關河舊色微
言兩京舊蔭浸薄正宜生樹發生和氣動封植衆心歸
春露條應弱秋霜果定肥。一句已種影移行子蓋香撲使臣

衣寫行子使臣入徑迷馳道分行接禁闌
成有所依藉
行之道也漢官儀豹尾中皆為禁
省此言馳道禁闌皆足以壯觀
何當扈仙蹕攀桂
奉恩輝結仍映果樹

送郭僕射節制劍南

岑參

鐵馬擐紅纓南史梁武帝舉兵
授鉞晉書漢魏故事遣將出征
符節郎授節鉞于明堂
丞相欲專征一氣玉
饌天厨送金杯御酒傾出送字夏都賦矜其晏居則
飲劍門乘險過閣道踏空行切劍山鳥驚吹笛江猿
看洗兵壯勇社詩安得壯士挽天河洗盡甲兵長不
用曉雲隨去陣梁簡文詩白
夜月逐行營四語寫南

仲今時往。西戎討日平。詩赫赫南仲將心感知已。萬

里寄懸旌。國策心搖搖如懸

送張中丞赴桂州

錢起

出守求人瘼。推賢動聖情。前意紫臺初下詔。皂蓋始

專城。入題初學記中書令唐初為西臺開元初改

借飛霜簡。威加却月營。蘇炳制云白簡霜飛荆州記

雲。衛開五馬林。水引雙旌。乃加右驂故謂五馬唐百

官志節度。夙仰敦詩禮。嘗聞偃甲兵。戍樓雲外靜。訟

閣竹間清。赴任賦畧。丞化佇還珠。美心將片玉。貞赴

任事合浦。郡產珠。太守食珠徙去。孟嘗冠。伯朝望重。

至珠復還。王昌齡詩一片冰心在玉壺

計日謁承明承明殿名冠恂為潁川太守徵入朝百姓遮道願借冠君一年

夏夜率尚書筵送宇文石首赴縣聯句李尚書名之芳

宇文名或尚書甥石首縣名

杜甫

愛客尚書重之官宅相賢雙起晉書魏舒少孤為外家寧氏所養寧氏起宅相

宅者曰當酒香傾座側寫帆影駐江邊送翟表郎官

瑞鳬看令宰仙二句言縣書羽狀夏翟隨車翔集王

喬為葉令每朝朔望望見雙鳬雨稀雲葉斷夜久燭

從南飛來舉羅張之得雙鳬寫聯興饒行樂處

花偏寫夜數語欹紗帽高文擲綵箋寫聯興饒行樂處

離惜醉中眠寫筵上單父長多暇河陽實少年寫赴

賤治單父身不下堂鳴琴而治客居逢自出為別幾

凄然。以送。

送許八拾遺歸江寧觀省

杜甫

詔許辭中禁。慈親赴北堂。扣歸省聖朝新孝理。聯申上祖

席倍輝光。漢書二疏歸時設祖道供帳于東門外內帛擎偏重。宮衣著。

更香。是行淮陰新夜驛京口渡江航淮陰楚州京口。

春隔雞人晝。雞人宮中司曉者言歸秋期燕子涼。言

期秋時而還朝也賜書誇父老。壽酒樂城隍。寫歸觀時事看畫會。

飢渴。追蹤恨森茫。虎頭金粟影。神妙獨難忘。顧長康小字虎

頭于瓦棺寺畫王摩詰圖精妙前杜與許同寓寺故云大士名金粟如來茲言金粟影者指摩詰圖也

涇州觀元戎出師

戎昱

寒日征西將。蕭蕭萬馬叢。先寫容吹。旂覆樓雪。祝纛滿。
旂風。承出師旂者。胡人捲蘆吹之以作樂也。纛。纛。遮。
虜黃雲斷燒。羌白草空。寫景。胡地草皆白。金饒肅天。
外。玉帳靜霜中。朔野長城閉。通典。肅州福祿縣地。河。
源舊路通。漢使張騫窮河源。其衛青師自老魏絳賞。
何功。漢大將軍衛青七出擊匈奴。鄭人賂晉侯鐘磬。
正諸華請與子樂之。槍壘依沙迥。轅門壓塞雄。軍營。
為壁仰其燕然如可勒。漢將軍竇憲大破單于。萬里。
轅以表門。遂登燕山。令班固作銘。願從公。

宿溫城望軍營

一統志溫城在寧夏中衛境唐置縣屬靈州

望中景象

駱賓王

虜地寒膠折。夏錯傳欲立威者始于折邊城夜柝聞。
城。溫。兵符關帝問天策動將軍。入題天策將軍塞靜胡笳徹。
蔡琰詩胡笳動。今邊馬鳴沙明楚練分。左傳楚子伐吳被練三千風旂翻翼影。
霜劍動龍文。西京記高帝斬白蛇劍上常若白羽搖
如月。羽矢名。白青山斷若雲。三聯言將令嚴烟疎疑
卷幔。塵滅似銷氛。寫望之投筆懷班業。臨戎想顧勲。
後漢書班超為都護平西域。晉書陳敏反顧。還應雪
榮以羽扇揮衆平敏。此二句客起結意。
漢恥持以報明君。此種為正。少陵力量大故能推擴
至元白動成百韻潦倒極矣。

送歸中丞使新羅

耿漳

遠國通王化。新羅東夷國故云遠國衛儒林得使臣。

從新羅折入中丞更記有六君承典冊。冊說文符命

儒林傳韓信傳使其信臣。承出使新羅雲水連孤棹恩私在

者也。萬里奉絲綸。絲綸注見上符節所以傳信者蘇武使匈奴持

一身悠悠龍節去。漢節唐制龍節蜺旌降于天上

渺渺蜃樓新。更天官書海旁望裏山還暮波中水又

春昏明看日御。廣雅和日御靈怪問舟人孔子世家水

也四聯途城邑分華夏衣冠凝縉紳。寫新羅更記縉紳先生難言之

他時禮命畢歸路勿迷津。以歸作結正應送

觀西蕃謁廟

王車

肅肅層城裏。巍巍祖廟清。先扣廟周頌聖恩覃布漢。
異域獻精誠。寫謁廟用頌法漢遠夷慕德歌聖德。
冠蓋分行列。戎旗辨姓名。寫西蕃禮終齊百拜。心潔盡
忠貞。謁廟瑞氣千重色簫韶九奏聲。仗移迎日轉。旆動
逐風輕。俱從眼中看出休運威儀盛。豐年俎豆盈。置天其申
頌威儀反反。正奉祭之儀愈反反而不才。慚頌德空
謹重商頌豐年懷穰論語俎豆之事。
此望華纓。結出觀字

韋使君黃溪祈雨見召從至祠下口號

柳宗元

驕陽愆歲事。洪範五行傳旱暘驕蹇所致也良牧念苗畬。扣列騎依

殘月鳴笳度碧虛。黎明往祈見稍窮樵客路遙駐野。

人居谷口寒流淨。黃溪叢祠古木疎入祈吏陳涉世家。

旁叢祠中焚香秋露濕。奠玉曉光初。行禮周禮玉作

夜篝火。四肸蠭巫言報精誠。禮物餘。甘泉賦肸蠭風仍偃草。

靈雨會隨車。四句言至誠昭格神應如響百里嵩為

注。俟罪非真吏。翻慚奉簡書。詩豈不懷歸

陪郭常侍令公東亭宴集

錢起

盛業山河列重名。劍履榮。先破令公二句此珥貂為

相子。散騎常侍開閣引時英。承令公美景池臺。

色東亭佳期宴賞情。宴詞人載筆至山妓出花迎謝安

必妓從故云山妓暗竹朱輪轉迴塘玉珮鳴足詞人句舞衫招戲

蝶歌扇隔啼鶯妓足山飲德心皆醉披雲興轉清入陪宴座

機連珠披雲看宵則天文不愁歡樂盡積慶在和羹

清謝靈運詩高情屬天雲起應

題金吾郭將軍右伏茅堂

盧綸

雲戟瞻沉沉唐史韓休語子且楊將軒墀清且深雙

家傳成棟美堯寵結茅心棟也通鑑堯茅茨不剪玉

佩多依石天典佩一品山玄王五品以上水蒼玉永

一仙人坐油幢亦在林油幢軍鑪香諸洞暖殿影衆

山陰寫茅堂具草奏風生筆筵開雪滿琴茅堂中趣

切將軍

霍筴篇

端風起。師文學琴于師襄。曰得之矣。當秋客從龍。
而叩角溫風徐廻。當夏而叩羽。霜雪交下。關至僧自虎溪尋。
茅堂外題三輔舊事。未央宮東闕。蒼龍閣廬山記。遠師居廬阜跡。
不入俗。送客過溪。虎輒鳴號。時瀟灑延清賞。週流會。
送陶元亮。陸靜修不覺過之。素襟終朝。息塵步一醉間華簪。

奉和杜相公新移長興宅呈諸宰執

權德輿

欲向幽偏適。還從絕地移。扣新秦官鼎食貴。堯世土

階卑。入題三公者象鼎三足共戟戶槐陰滿。堂窓竹

葉垂。隋志三品以上則列榮戟周禮三裁分五夜漏。

杜詩五夜漏遙隔萬年枝。謝元暉詩風動萬年枝。

聲催曉箭。宋徽宗試諸生以萬年枝。

言
上太平雀為題無中程者北闕深恩在東林遠夢知
或密問中貴日冬青樹也
日斜門掩映寫新山遠樹參差寫宅外論道齊鴛翼
題詩憶鳳池顧諸宰執畫三公論道置荷最為從公
亦何幸長與佩聲隨結出奉和呈
諸宰執意

、和李僕射西園

張籍

遇午歸開處西庭敞四簷題加高眠著瑟枕散帙檢書
發趣印在休遞客射切僕山晴好捲簾隱藏竹涼蠅到
少藤暗蝶爭潛曉鵲頻驚喜疎蟬不許拈寫園中石
苔生紫點欄葉吐紅尖又寫虛坐詩情遠幽探道侶
兼寫情所營尚勝地雖儉復誰嫌

閒園獨賞因夢得所寄蜂鶴之言引成此篇以

和之

白居易

午後郊園靜晴來景物新扣閒園景物新三字一篇立意處雨添山

氣色風借水精神正是景物新永日若爲度獨遊何所親

扣獨賞仙禽狎君子芳樹倚佳人景中寓情晉華林園有君子樹三株李嶠

詩鶴棲君子樹楚詞采芳蟻閭王爭肉蝸移舍逐身

洲兮杜若將以遺兮下女蝶雙知伉儷蜂分見君臣刻意寫蠢蠕形雖小逍遙性

卽均總束俱應不知鵬與鷁相去幾微塵結答夢得景物新所寄意

和李舍人昆季詠冬槐花寄贈徐侍郎

盧綸

[illegible]

11

獨鶴寄烟霜雙鸞思晚芳

從侍郎折入舍人昆季烟霜
晚芳含冬字郎關照侍郎

人舊陰依謝宅。新艷出蕭

牆。當時蝶散搖輕露。鶯銜

入夕陽觀槐

雨朝勝濯錦

是風夜劇焚香。是斷日子。

層艷孤霞一片光

幕寫花亦與
侍郎關照

密來驚葉少動處

枝長布影期高賞留春爲遠芳

是冬常聞贈瓊玖。叨

和愧升堂。

結出贈字和字

同郭參謀咏崔僕射淮南節度使廳前竹

劉長卿

昔種梁王苑。

漢書梁孝王
園多植竹

今移漢將壇。

逗入
竹字
篆籠
低

昆過青翠卷簾看

前是竹廳

得地移根遠。經霜抱節難開。

花成鳳實嫩。筍長魚竿。晉書巴西界竹生花結實如麥詩註鳳凰非竹實不食王

彪之賦素筍形竿。詩藹藹軍容靜蕭蕭郡宇寬細音

翟翟竹竿以釣于淇。四語竹與節湘浦何年變山陽

和角暮疎影上門寒。度廳合寫幾處殘。二句宕傳物志湘妃涕揮竹竹即班述征記

不知軒屏側歲晚對袁安。二句收合全題袁安晉名臣

題遺愛寺前溪松
白居易

偃亞長松樹。玉策記于歲侵臨小石溪。松字溪靜將

流水對高共遠峯齊。一句帶溪說翠蓋烟籠密花幢

雪壓低。李白詩色染秋烟碧玉與僧清影坐藏寺借

鶴穩枝棲。以霍筆寫形難似琴偷韻易迷暑天風城

城晴夜露淒淒。獨憇依爲舍。閑行遠作蹊。刻意摹寫有情有景

棟梁君莫採。留著伴招提。以寺結晉書松雖礫柯多節施之大厦有棟梁之用

釋書寺稱招提

唐六韵試帖多取動植之物故茲錄土五首

秋日登揚州西靈寺塔 李白

寶塔凌蒼蒼。登覽覽四荒。頂高元氣合。標出海雲長。

一氣好寫萬象分空界。三天接畫梁。水搖金刹影。日

動火珠光。刹僧寺梵云幡柱孔帖南蠻珠如卵日中以艾蓄珠輒火出鳥拂瓊簾

度霞連繡拱。張合寫目隨征路斷。心逐去帆揚。遙應登攀

露浩梧楸白。霜催橘柚黃。補題玉毫如可見。於此

秋字

照迷方。絕見玉毫遺觀

遊清都觀尋沈道士

趙中虛

清溪阻千仞。姑射藐汾陽。雙扣莊子藐姑射之山有神人焉肌膚若冰雪綽約

若處。未若遊茲境。探玄衆妙場。承出遊字尋字五君詠探道好淵玄老子

女。衆妙鶴來疑。羽客雲泛似霓裳。客觀中景魏知古詩羽客今何在谷詩倚欄

偷舞白。寓目雖靈宇。遊神乃帝鄉。諸天內經太靈觀主得度升仙人杜

詩帝鄉。道存真理得。心灰俗累忘。太霄琅書經人行愁緒外道存真理得心灰俗累忘大道號曰道士士

者何。理也。事也。身心順。理惟道順。從從烟霞凝。抗殿道爲事故稱道士凌散詩心灰忘俗累烟霞凝抗殿

松桂肅長廊。寫觀早蟬清暮景。崇蘭散晚芳。寫物卽此

翔寥廓。非復控榆枋。結得神遠莊子鵬與鸞鳴笑鵬曰我決起而飛檜榆枋時則不

翔寥廓。非復控榆枋。

寫觀中景而
尋字在不
即不離云

至控于地而已矣註榆飛略也榆枋二木名

唐應制詩有奉和幸三會寺等題故茲錄上二首

細雨成詠獻尚書河東公

李商隱

描寫細雨如
空中之音相
中之色

灑砌聽來響卷簾看已迷暗指江間風暫定雲外日

應西風定日西稍稍落蝶粉斑斑融燕泥風萍初過

沼重柳更緣堤必擬和殘漏寧無晦暝輦半將花漠

漠全共草萋萋字不用題一字而雨字細猿別方長嘯

鳥驚始獨棲寫物而含府公能入咏金華志齊隆昌元年沈約出為

東陽太守作八詠詩題于聊且續新題

玄暢樓後人更為八詠樓

月照冰池

李商隱

寫月不脫水
池妙在雙兩
字

鵲歎燒冰狐不
疑月可裡良工
心苦

皓月方離海月扣堅冰正蒲池扣冰金波雙激射壁影
兩參差金波壁影皆指月影占徘徊處說月曹植詩
流光正光含的礫時的說池猶如賦高低連素色上下
徘徊清規上聯分寫此聯合寫池月謝莊賦白露顧兔
接清規寫月空素月流天梁簡文詩青山明月規顧兔
飛難定育厥利惟何而顧兔在腹又潛魚躍未期池寫
易大雪魚負冰鵲驚俱欲繞說月曹操歌月明星稀
註負上近冰也鵲驚俱欲繞鳥鵲南飛繞樹三匝無
伎可狐聽始無疑說冰述征記狐善疑欲渡似鏡將
盈手如霜恐透肌二句融寫月字駱賓王咏月詩既
之不盈手季白詩牀前獨憐游玩意達曉不知疲
明月光疑是地上霜
賦得人不見知侯嬴在旁曰人固未易知知人時

典切

亦不易也

失名

惟衡量匪易遇知信難移扣題九德皆殊進三端豈

易施書亦行有九德韓詩外傳君子避三同稱崑崙

實共握桂林枝晉書郗詵對武帝曰臣對策鄭鼠今

笑別齊竿或濫吹此是高下互看文子曰鄭人謂玉

朴周人懷朴問鄭賈曰欲之乎出其朴視之乃鼠朴

也齊宣王好竿必三百人竿吹南郭先生不竿者而

之三百人中以吹竿食祿宣主薨後瑤臺有光鑑屢

王曰寡人欲一一吹之南郭乃逃

照不應疲對注戶善當無掩先鳴貴在斯龍門峻且

極驥足庶來馳見伯樂而長鳴知其識已也太息

李元禮期君幸一知被延接者謂之登龍門

玉壺冰

潘炎

淡玉性惟堅。成壺體更圓。先破虛心含景象。應物受

寒泉。承出溫潤資天質。清貞稟自然。一句玉一日融

光乍散雪。照色逾鮮。二句冰至鑒功寧幸。無私照豈

偏。上皆形其體明將冰鏡射。申至鑒一聯意司馬德

白與粉花連。申日融一聯意試院拂拭終為美。提携

佇見傳。勿令毫髮異。遺恨鮑公篇。玉壺冰見鮑照白頭吟

河出榮光。尚書中侯帝堯即政張良器

引派崑山峻。朝宗海路長。河千齡逢聖主五色瑞榮

光。一句頌君隱映浮中國。鼎明助太陽。寫出坤維連

浩漫天漢接微茫

寫河

丹闕清氛裏函關紫氣旁

摹寫光字

位尊常守伯

孝經援神契曰河者水之伯上連天漢

道泰每呈祥

二句遙應

隱映龍門如可涉

龍門如可涉忠信是舟梁

禹貢道河積石至于龍門三秦記河津一

各龍門去長安九百里大魚集門下數千得上者即為龍高適詩忠信涉波濤

上四首是試帖

毛西河曰試帖結尾多用祈請法如李虞中麻試初

日照鳳樓篇結云倘蒙廻一顧願上十輝書是也

其童漢卿省試昆明池織女石篇尾云還如朝鏡

裏形影自分明關合祈請極渾化

沈確士曰試帖如李華都堂瓦松篇落聯云寧知深

澗底霜雪歲兼封。脫祈請卑格更佳。○尾句最緊。
聳拔尾句好。則全体生動。如錢伸文湘靈鼓瑟篇。
尾云。曲終人不見。江上數峯青。試帖無出其右者。
附杜五七言

夫律至唐。其間典麗精工。清空閑遠。風華逸宕。無
不悉備。皆可學也。第不若工部之氣象。更覺崑崙。
規模尤爲宏遠。煉字成句。煉句成章。骨肉相稱。情
景渾融。凡感慨古今。餞送投贈。追憶憑弔。神化不
測中。的然規矩可循。使人入門正。而頭路不差也。

否則求深。而或流爲怪僻。務顯而陷入平庸。太
不爲家。或不免耳。註五七言以爲初學金針。

遠寫
近寫

五言律

登兗州城樓

東郡趨庭日。南樓縱目初。
公父閑爲兗州司馬。因省
樓乃云。客。卿。之。弟。
縱目初。浮雲連海岱。平野入青徐。
禹貢青州東北至。徐
州相接。孤嶂秦碑在。荒城魯殿餘。
宋經注。始皇觀禮
於堯。大篆勒銘以頌德。
袁宇記。漢從來多古意。
我平時
封魯共王。于兗州造靈光殿。
多生。臨眺獨躊躇。躊躇不已耶。
感慨臨眺獨躊躇。躊躇不已耶。

凡詩用實字在中間者。謂之實眼句。從上而下者。謂之順因句。前半登樓之景。後半懷古之情。

登岳陽樓

寫景言情氣
象宏麗含蓄
深遠殆與洞
爭庭爭雄

昔聞洞庭水。今上岳陽樓。言予昔聞洞庭之廣吳楚
東南坤乾。坤乾。日夜浮。水經注洞庭湖廣五百里其地
于吳右。接于楚。地分東南。以圻之。其水親朋無一字。
上連乎乾。下連乎坤。水流日夜以浮之。
老病有孤舟。然遠隔親朋音書竟無半字既衰病老
往來體戎馬。然遠隔親朋音書竟無半字既衰病老
有孤舟。戎馬關山北。憑軒涕泗流。當此憑眺戎馬雲
涕泗交流平。

前半寫景如此。闊大五六寫事如此。悲涼詩境。潤
熱頓異。一結奏泊胸襟氣象。無不相稱。宜使後人
閣筆也。

二語寫得極闊大
摹情景深細

送翰林張司馬南海勒碑相國製

冠冕冠冕通南極。文章冠冕落上台。冠冕冠冕指翰林。上遣司馬則。
章指碑辭。命製文則文。詔從三殿。去言懷柔之詔。碑。
到百蠻。開威信名碑。到野館。濃花發。陸行所歷野館。
目春帆。細雨來。水行則春帆風。不知滄海使。天遣幾。
時。但海風無定難。必歸期。不知何時回。朝得以推。
首言通南極。郎貫百蠻開之意。次言落上台。郎粘。
三殿去之詞。冠冕自上而連遐荒。郎詔從三殿而。
到百蠻也。次第可觀。結用張騫之使海上。姓與旌。
俱精切渾化。

活茅流走却
不便滑所以
在工

東樓

萬里流沙道征西過此門。言流沙去中國萬里為西
此往征戰而流木添新戰骨不返舊時魂。但見今之
多不得歸國焉。但添新戰骨不返舊時魂
添戰骨不見昔之樓角。凌風迥城陰帶水昏
從征者得返舊魂。樓角凌風迥城陰帶水昏
凌風而迥令人生畏城陰之慘。傳聲看驛使送節到
帶水而昏令人過之而可危。傳聲看驛使送節到
河源此經過不禁心傷。看此奉使而去者多是送節
而甬安能自河源而歸國乎。此吾所以對河源而興
感矣。

首言征流沙者必從東門而過三四言過此門者
恒有去而無來五六言此樓高寒陰慘過此者無
非不返之魂魄不獨征人也緊起下二句

春日憶李白

○下○也○詩○無○敵○飄○然○思○不○群○言○白○之○詩○高○曠○無○敵○才○思○
○清○新○庚○開○府○俊○逸○鮑○參○軍○蓋○古○來○詩○之○清○新○者○獨○東○
○獨○鮑○照○而○白○亦○如○之○二○人○之○擅○渭○北○春○天○樹○江○東○
○長○者○自○能○兼○之○可○不○謂○無○敵○乎○渭○北○春○天○樹○江○東○
○暮○雲○是○以○我○在○渭○北○見○春○天○之○雲○而○不○思○我○也○乎○何○時○
○一○樽○酒○重○與○細○論○文○何○時○更○得○與○白○相○處○開○樽○酒○以○
○細○論○之○也○

此因李白再遊吳而公歸長安故憶之也。清新似
開府。俊逸似參軍。徑作五字。是謂硬裝句法。何時
重與樽酒相對。細酌論文。以分裝成句。結挽通篇。

魚龍聯黑練
老泉却全無
黑珠之跡
晴薄二字硬
揮得妙理
倒著句法
會此
則作詩自
筆

草閣

草閣臨無地。柴門永不開。
言草閣之築下臨無地雖
 魚龍迴夜水。以秋經注魚龍。
草閣當水魚龍迴星月
 動秋山。草閣傍山星月動秋山。
久露晴初濕高雲薄未還
 當秋夜。露雖晴立久而見其還。
汎舟慚小婦飄泊損紅顏
 濕雲雖薄至高而未見其還。
汎舟慚小婦飄泊損紅顏
 觀雲露飄零。似客况憑閣不勝懷。
漸忽見小婦
 舟汎烟波。能不為之慙。其飄泊而損紅顏乎。吾為婦惜而更為遠客悲也。

公夜過草閣。即景感賦。五六描寫秋夜七八因目
 所見以自喻也。晴露從而漸濕。薄雲高而未還。硬
 押倒剔。寫景精切。句法奇特。

暮秋將歸秦留別湖南幕府親友

水澗蒼梧野天高白帝秋言予在湘中原非得已歸

直接蒼梧之野天窮途那免哭身老不禁愁向以窮

高今為白帝司秋窮途那免哭身老不禁愁向以窮

笑所籍今則窮途困乏能免哭乎向以大府材能會

秋愁強宋玉今則身老艱難能禁愁乎大府材能會

厚公德業優幸入大府覩材能聚集之地而予無可

予無可北歸衝雨雪誰憫敝貂裘雖束裝歸秦以畢

建之業北歸衝雨雪誰憫敝貂裘雖束裝歸秦以畢

遠六千里雨雪載途嚴寒微骨非裘不足以御之今

敝矣言為憐憫乎此不無望于知我者

首二句紀地與時次聯言將歸也後四句留別親友用力在一起一綿章法精密

春夜喜雨

潛細字妙

卷上

五

五

好雨知時節。當春乃發生。言當春日融和萬物發育
也。隨風潛入夜。潤物細無聲。其隨風也知晝有妨于
也。知暴有傷于野。徑雲俱黑。江船火獨明。夫雨則雲
物而細無聲焉。野徑雲俱黑。江船火獨明。夫雨則雲
夜則野徑與雲而俱黑。雨則火不曉。看紅濕處。花重
錦官城。夫雨何以知其好也待曉看其錦官之花垂
以爲好而可喜也。垂而濕較未雨尤重而不飄殘焉此雨之所

應雨而雨。是爲好雨。當春而春雨發。故曰發生。三
四雨隨風。固屬常事。好在潛入夜三字。雨潤物。亦
常理。好在細無聲三字。五六言夜景。七八言曉景。
言夜承三言曉承四。不見承上痕跡。

初月

光細絃欲上影斜輪未安。言月之繫于天光炟天下欲上而光甚細雖有如微升古塞外已隱暮雲端故輪之體尚斜而未安也。升也微顯其光于古塞而河海不改色關山空自寒其陰也晦其影于雲端而河海不改色關山空自寒其色焉。閨山寒冽之寒得月而自遍初月光隱而空焉。庭前有白露暗滿菊花團。初月不惟難照遠也滿菊花叢枝而不見焉非光細雲掩之故乎何月之不幸也。

公因官卑不安於朝庭道晦不施於天下借初月以自喻也。河漢關山言其遠庭露菊花言其近。曉是夜景朦朧之象。且此詩有題面題神兩層前半

繪面後半摹神繪面易摹神難名作流傳多屬摹神微妙

四更山吐月對起殘夜水明樓言予客不寐時至四更殘

面映照塵區承元開鏡風簾自上鉤夫月如鏡自起塵

月照當接如自掛風兔應疑鶴髮蟬亦戀貂裘不寐

簾不從人力而上疑其老而惜其涼焉斟酌姮娥寡

之蟬與免亦為予疑斟酌家作客亦如姮娥寡

天寒耐久秋蓋予斟酌當九秋之夜而猶上中天者

寫景精切東坡云殘夜水明樓五字古今絕唱而

此典深遠從未經人道也

湘夫人廟

肅肅湘妃廟空牆碧水春言始立廟時應祠宇整
空止碧水流春而見。示。。蕭蕭可現今則牆圍已
無入祀誠可慨也。更書玉珮薜蘿舞翠帷塵望其玉
其上又經重書而汚觀其翠圍見。事。。晚泊登汀樹微馨借
塵積其間且憑燕舞而翻焉。
渚蘋予以南征晚泊汀樹而登隔。晚泊登汀樹微馨借
渚蘋欲薦微馨借采渚蘋以致敬蒼梧恨不淺淚染
在叢筠思昔舜崩蒼梧妃追不及溺于沅湘其恨不
祀之今也荒涼至此能無謁廟而心悲乎

此詩前半第一句追廟宇之始建。下三句悲今日之荒涼也。三聯因泊舟而瞻廟以盡敬也。末二句。

言二妃應祠之故。結倒叙。因染淚在叢筠。故知湘妃之恨不淺也。意以夫婦喻君臣。

歸夢

道路時通塞。江山日寂寥。言歸思急切。形于夢間。奈時塞以致江山。偷生。惟一老代。叛已三朝。為國借箸。疲救日見寂寥。而僻地偷生。止遺一老。今日猶存。念國兩急。青楓墓邊。警出師伐。叛已歷三朝。仍然未息。雨急。青楓墓雲深。黑水遙。急雨對青楓。而驚其暮。漢漢雲深。望黑水而苦。夢歸歸。未得不用楚辭。招歸。卽憑夢亦歸。未得其遙。夫人之魂。不得歸。所賴有人。以招之。此南楚所以有招魂之辭。若予則家阻於夢。身羈於蜀。雖招之亦何益乎。亦不用於招耳。其如此歸思何哉。

三四歇後語。伐叛三朝。尚無寧宇。偷生一老。豈敢
定居。五六言夢境陰慘。令人毛豎。是夢中之所歷。
暗映次句。直喚七八。此皆望親知見。拔以寓言。本
祈人招。而反言不用招。怨憤無聊之語。妙甚。

題忠州龍興寺所居院壁

忠州忠州、縣、界、州、縣、屬、忠、州、三峽內井邑聚雲根。言忠州僻在山峽之內。寥
雲根市、小、常、爭、米、孤、城、早、開、門、市、小、米、少、常、爭、購、買、荒
市小常爭米孤城早開門。京山邑城門亦早開關
空看過客淚莫覓主人恩。過客涕淚窮途煢煢行色空看
難尋投宿周旋。客所居港泊仍愁虎深居賴獨園。雖在港泊
思患莫覓主人。港泊仍愁虎深居賴獨園雖在港泊
仍愁有虎賴獨園可以深居始得少避客路艱危不
誠可慨乎。

此逐句細述之法。短章鋪叙難周。是詩八句。句述一事。覺一州如斗。城市荒涼。土俗人情。蕭條落寞。及自己偃蹇棲依。踽踽無聊之況。一一傳出。至今讀者如入其境。如見其人。

孤雁

孤雁不飲啄。言孤雁何不飲不啄。聽

飛鳴聲。

念羣

言彼孤雁何不飲不啄。聽其飛鳴之聲。似念同羣耳。

誰憐一片影。相失萬重雲。其誰憐此一片孤影。望斷

似難見。

哀多如更聞。

而仍飛。

惟念群而哀鳴多矣。似

更聞群。野鴉無意緒。鳴噪亦紛紛。

夫孤雁飛鳴。迫切

而仍鳴。

而仍鳴。

而仍鳴。野鴉無意緒。鳴噪亦紛紛。念群之苦心。乃爾

而仍鳴。野鴉無意緒。鳴噪亦紛紛。念群之苦心。乃爾

而仍鳴。

而仍鳴。

而仍鳴。

而仍鳴。野鴉無意緒。鳴噪亦紛紛。念群之苦心。乃爾

鳴噪若若是也。

此詩在夔州作通篇慨兄弟離隔一身流落託孤雁以自傷也。

百舌

十字 賦名

百舌來何處。重重祇報春。言百舌來自何處無他智巧祇貪祇色而重重報也。
知音兼衆語。整翮豈多身。蓋其呼朋引類謬託知音。思一能兼乎衆語修羽。其
毛巧爲整翮。豈以花密藏難見。折、眼、鼻、口。枝高聽轉新。恒畏人
百舌能變多身。窺視必藏密甚之花而難見其形其語。過時如發口。常欲人聽必罪最高之枝而新其聲。
君側有謗人。汲冢周書甚種後十日反舌有聲則依人在側吾是以念百舌而愴然也。
此因讒譟變亂是非易感君聽。賦此以爲比也。故
開口便云來何處。已寓怪駭之意。重重狀其反覆。

結本意

起勢突兀

語麗情悲詞
旨婉切

春色佳處便來相報。摹出佞人情狀。結點出詩旨。
杜詩諷刺之最顯者。而究之何常直焉。

春望

國破山河在。春城草木深。
自祿山陷京師。可憐國
所深秀者。草木生長而已。感時花濺淚。恨別鳥驚心。
予因家遠。身孤。遇時興感。雖眼底花開。徒烽火連三
月。家書抵萬金。日所望者。惟烽火旋消。家書可通。不
月。而不息。道途阻塞。家白頭搔更短。渾欲不勝簪。至
報難開。抵萬金。而猶重。白頭搔更短。渾欲不勝簪。於
已。白之頭搔之更短。且白。即欲簪之而渾不勝。焉不
識。何時可以遇主而還家也。可勝悲哉。
白髮零落。不可勝簪。家國之感。真有無可奈何者。

七句紀時應上感時六句憶別應上恨別

洞房

洞房環珮冷。言寢殿雖有洞房以居守陵之王殿起。
秋風蕭瑟之况惟有秋風。雖有玉殿而臨御無人秦地應新月。見新月之

地而南龍池滿舊宮。想舊宮之水空滿繫舟今夜遠。
清漏往時同。予既念長安寂寞轉念客况凄凉覺維
覺與長安萬里黃山北園林白露中。懷宇記黃山之
此喻秦陵也白露中蓋不勝荒烟茂草之悲矣

此詩以前半意翻叙於後顛倒互易成篇筋骨全

然不露起承轉結章句字法渾淪無迹

鴻鵠

故使籠寬織須知動損毛。言鴻鵠性善動一受籠絡
織籠寬大焉然籠雖寬不馴其性寬亦損毛矣爾須自知之。看雲休悵望失水任
呼號。既入樊籠則不能雲飛矣切勿望雲而悵望且
六翮曾經剪孤飛卒未高。况爾所喜者孤飛既剪而飛
未能。且無鷹隼應留滯莫辭勞。六翮既剪而飛不高
全否則鷹隼之患豈能無之爾其毋辭羈縲之勞而
暫留滯焉可也

前半若警戒之詞後半若慰藉之詞然總假物以
自喻也貶官有似於此而猶念切歸朝寓言

以自
慰耳

房兵曹胡馬

胡馬大宛名。

言得邊外之良馬是。

馬其相。

之相以清勁爲上。今觀其相。其相之瘦骨皆成鋒稜。雙耳峻。風入四蹄輕。其若竹批。四所向無空濶。真堪託死生。驅之能越峻。蹄輕如風入。所向無空濶。真堪託死生。驅之能越峻。所向無前乘之可以脫險。驍騰有如此。萬里可縱橫。危當死生之地。真堪託命。驍騰有如此。萬里可縱橫。其號勇飛騰有如此。雖萬里可以橫行也。

四十字中。其種其相其才其德。無所不脩。形容痛快。彼區模寫體貼。以爲咏物者。何足語此。

鷗

江浦寒鷗戲。無他亦自饒。

言江浦寒鷗之所。以戲者無他也。亦由自處寬饒耳。

卻思翻玉羽却於此思隨意點春苗郎隨意向雪暗

還須浴風生一任飄體絮如雪也覺雪暗須逢浣浴

生亦任飄揚幾羣滄海上清影日蕭蕭海上清影自

更何所繫哉不令勞勞者羨暮耶

羨鷗之閒傷已之觸處多愁多障全從反面照出

雪暗還須浴刻劃白鷗入微結語亦有蕭遠之致

後遊修覺寺

寺昔曾遊處橋憐再渡時言予久客不歸愁緒萬端

入寺而憶寺昔曾遊無處消遣信步散心過橋

也憐橋今再渡也江山如有待花柳更無私獨行

江流山擁亦若有待登臨野潤烟光薄沙暄日色遲

柳娟花明更覺不私爛熳

胡云此章五
十、八、字、如、海、
底、珊、瑚、瘦、勁、
難、移、沉、莫、測、
而、精、光、萬、丈、
力、量、萬、鈞、通、
章、法、前、呈、昔、
字、法、前、呈、昔、
八、後、呈、來、學、

觀夫四野烟光浮薄綠繞客愁全為減舍此復何之
其間平沙暄日遲留于上客愁全為減舍此復何之
幸此遊覽流連心目俱爽客愁對此而消滅矣遣愁
之地舍此清幽更復何之乎

前曾渡此橋再渡殊覺可憐曾遊此寺再游更覺
可憶上下語意交互成之惟唐人知此法

登高

三首

風急天高猿嘯哀渚清沙白鳥飛迴言時當秋暮登
寒天肅猿過此則嘯而轉哀渚無邊落木蕭蕭下不
落沙出鳥見此則飛而復迴
盡長江滾滾來也渚清江流之勢滾滾而來不盡也
萬里悲秋常作客百年多病獨登臺對此因思萬里
悲秋之候久作客而不歸也又思艱難苦恨繁霜鬢
馬卿多病之年獨登臺而無伴也艱難苦恨繁霜鬢

潦倒新亭濁酒杯。羈縻中百感交集而霜髮轉繁欲藉酒以遣之奈悲秋多病而醴酸
新傳吾終無如此苦恨何也。

前四句臺上所見之景。萬里地之遠也。秋時之淒
慘也。在客羈旅也。常作客久羈旅也。百年遲暮也。
多病衰疾也。高臺迥處也。獨登臺無親朋也。十四
字含八意而對偶更精確。末二句結憂恨難遣意。

堂成

杜四句。

背郭堂成蔭白茅。綠江路熟俯青郊。
欲脩青郊又經、安、臥、何、城、外、故、云、背、郭、
行已熟之路也。楸林碣日吟風葉。籠竹和烟滴露稍。
蜀中謂玉壘以東多楸木籠籠竹此二種皆易成而
有美蔭即枯出客不能久居之意確極亦至于此

暮秋將歸秦留別湖南幕府親友

水濶蒼梧野天高白帝秋言予在湘中原非得已歸

直接蒼梧之野○見○地○可○○時○窮途那免哭身老不禁愁○順○承○途之哭

笑所籍今則窮途困乏能免哭乎自以大府材能會

厚公德業優幸入大府覩材能聚集之地而予無可

予無可北歸○用○之○材○得○遇○羣○公○俱○德○業○優○崇○之○賢○而○

建之業北歸○建○之○業○北○歸○雪誰憫敝貂裘○雖○東○裝○歸○素○以○畢○

遙六千里雨雪載途嚴寒徹骨非裘不足以御之今

敝矣○言○焉○憐○憫○乎○此○不○無○望○于○知○我○者○

首二句紀地與時次聯言將歸也後四句留別親

友用力在一起一結章法精密

春夜喜雨

潛細字妙

好雨知時節。當春乃發生。言當春日融和萬物發育
隨風潛入夜。潤物細無聲。正需好雨滋息應期而發
也知暴有傷于野。徑雲俱黑江船火獨明。夫雨則雲
夜則野徑與雲而俱黑。雨則火不曉。看紅溫處花重。錦官城夫雨何以知其好也待曉看其錦官之花垂
以爲好而可喜也。

應雨而雨。是爲好雨。當春而春雨發。故曰發生。三
四雨隨風。固屬常事。好在潛入夜三字。雨潤物亦
常理。好在細無聲三字。五六言夜景。七八言曉景。
言夜承三言曉承四。不見承上痕跡。

初月

光細絃欲上影斜輪未安。言月之繫于天光焰天下
欲上而光甚細雖有如微升古塞外已隱暮雲端故
輪之體尚斜而未安也。微升古塞外已隱暮雲端故
升也。微顯其光于古塞而河海不改色。關山空自寒
其陰也。晦其影于雲端而河海不改色。關山空自寒
夫河海暗淡之色得月而頓改初月光細則不勝改
其色焉。關山寒冽之寒得月而自遍初月光隱而空
自寒焉。庭前有白露暗滿菊花團。初月不惟難照遠也
滿菊花蒙蔽而不見焉。非光細雲掩之故乎。何月之
不幸也。

公因官卑不安於朝廷。道晦不施於天下。借初月
以自喻也。河漢關山言其遠。庭露菊花言其近。聰
是夜景朦朧之象。且此詩有題面題神兩層。前半

繪面後半摹神繪面易摹神難名作流傳多屬摹神微妙

月

四更山吐月殘夜水明樓言予客不寐時至四更殘

面映照塵區元開鏡風簾自上鈎夫月如鏡自起塵

月照當樓如自掛風兔懸疑鶴髮蟬亦戀貂裘予因

簾不誤人力而上兔懸疑鶴髮蟬亦戀貂裘予因

之學與免亦為予疑其老而惜其家焉斟酌姮娥寡

天寒耐久秋代為斟酌當九秋之夜而猶上中天者

非其能耐天寒乎予之客此亦猶是也

寫景精切東坡云殘夜水明樓五字古今絕唱而

北興深遠從未經人道也

湘夫人廟

蕭蕭湘妃廟空牆碧水春言妃始立廟時應祠宇整
空止碧水流春而見三
無入祀誠可慨也重書玉珮
其上又經重書而汚見其翠圍
塵積其間且悲燕舞而翻焉晚泊登汀樹微馨借
渚蘋欲薦微馨借采渚蘋以致敬
在叢筠思昔舜崩蒼梧妃追不及溺于沅湘其恨不
祀之今也荒涼至此能無謁廟而心悲乎

此詩前半第一句追廟宇之始建下三句悲今日之荒涼也三聯因泊舟而瞻廟以盡敬也末二句

言二妃應祠之故。結倒叙。因染淚在叢筠。故知湘妃之恨不淺也。意以夫婦喻君臣。

歸夢

道路時通塞。江山日寂寥。對起言歸思念切。形于夢間。奈時塞以致江山。偷生。一老代。叛已三朝。為國借箸。疲救日見寂寥。偷生。一老代。叛已三朝。為國借箸。而僻地偷生。止遺一老。今日猶存。念國雨。急青楓墓。邊警出師。伐叛已歷三朝。仍然未息。國雨。急青楓墓。雲深黑水。遙急雨。對青楓。而驚其暮。漠雲深。望黑水。而苦。夢歸。歸未得。不用楚辭。招此。予醒時。固未得其。遣夫人之魂。不得歸。所賴有人。以招之。此南楚所以有招。竟之辭。若予則家阻於夢。身羈於蜀。雖招之。亦何益乎。亦不用於招耳。其如此歸思何哉。

三四歇後語。伐叛三朝。尚無寧宇。偷生一老。豈敢
定居。五六言夢境陰慘。令人毛豎。是夢中之所歷。
暗映次句。直喚七八。此皆望親知見。拔以寓言。本
祈人招。而反言不用招。怨憤無聊之語。妙甚。

題忠州龍興寺所居院壁

忠州三峽內井邑聚雲根。忠州、峽、井、邑、聚、雲、根、言忠州僻在山峽之內。寥
市小常爭米孤城早閉門。市小、常爭、米、孤城、早閉門、言忠州僻在山峽之內。寥
空看過客淚莫覓主人恩。空看過客、淚莫覓主人恩、言忠州僻在山峽之內。寥
難尋投宿周旋淹泊仍愁虎深居賴獨園。難尋投宿、周旋淹泊、仍愁虎、深居、賴獨園、言忠州僻在山峽之內。寥
思患莫覓主人恩。思患、莫覓主人恩、言忠州僻在山峽之內。寥
仍愁有虎賴獨園可以深居始得少避客路艱危不
誠可慨乎。

此逐句細述之法。短章鋪叙難周。是詩八句。句述一事。覺一州如斗。城市荒涼。土俗人情。蕭條落寞。及自己偃蹇棲依。踽踽無聊之況。一一傳出。至今讀者如入其境。如見其人。

孤雁

孤雁不飲啄。言孤雁何不飲不啄。聽誰憐一片影。其飛鳴之聲。似念同羣耳。相失萬重雲。其誰憐此一片孤影。望斷似難見。哀多如更聞。而仍飛。惟念群而哀鳴多矣。似更聞群。而仍飛。惟念群而哀鳴多矣。似而仍鳴。野。無意緒。鳴噪亦紛紛。念群之苦。心乃紛紛彼野鵝。羣相飲水處。而無相離意。緒者亦胡為乎紛紛鳴噪若是也。

結出本意

此詩在夔州作。通篇慨兄弟離隔。一身流落。託孤雁以自傷也。

百舌

十字 賦名

百舌來何處。重重祇報春。言百舌來自何處。無他智

知音兼衆語。整翮豈多身。蓋其呼朋引類。謬託知音。

毛巧爲整翮。豈以花密藏難見。枝高聽轉新。恒畏人

窺視。必藏密甚之花。而難見其形。其語過時。如發口。

君側有謬人。限家周書。甚種後十日。反舌有聲。則依

此因讒誦變亂是非。易感君聽。賦此以爲比也。故

開口便云來何處。已寓怪駭之意。重重狀其反覆。

起勢哭元

語麗情悲詞
首婉切

春色佳處便來相報。摹出佞人情狀。結點出詩旨。
杜詩諷刺之最顯者。而究之何常直焉。

春望

國破山河在。春城草木深。
山河繚繞而巳。人民死亡。感時花濺淚。恨別鳥驚心。
所深秀者。草木生長而已。感時花濺淚。恨別鳥驚心。
予因家遠。身孤。遇時與感。雖眼底花開。徒烽火連三。
供濺淚。憶別生恨。雖耳邊鳥語。祇起驚心。烽火連三。
月家書抵萬金。日所望者。惟烽火。旋消家書。可通三。
月而不息。道途阻塞。家白頭搔更短。渾欲不勝簪。於。
報難開。抵萬金而猶重。白頭搔更短。渾欲不勝簪。於。
已白之頭。搔之更短。且白。郎欲簪之而渾不勝焉。不。
識何時可以遇主而還家也。可勝悲哉。
白髮零落。不可勝簪。家國之感。真有無可奈何者。

七句紀時應上感時六句憶別應上恨別

洞房

洞房環珮冷。言寢殿雖有洞房以居守陵之王殿起。
秋風蕭瑟之况惟有秋風。秦地應新月見新月之光應照秦

地而南。丙巳虛龍池滿舊宮想舊宮之水空滿繫舟今夜遠
清漏往時同。予既念長安寂寞轉念客况妻涼覺維
覺與長安萬里黃山北園林白露中。袁字詡黃山之
此喻秦陵也白露中蓋不勝荒烟茂草之悲矣

此詩以前半意翻叙於後顛倒互易成篇篇骨全

然不露起承轉結章句字法渾淪無迹

鴻鵠

故使籠寬織須知動損毛言鵠性善動一受籠絡必損其毛而養者知之而
織籠寬大焉然籠雖寬不馴其性寬亦損毛矣爾須自知之看雲休悵望失水任
呼號既入樊籠則不能雲飛矣切勿望雲而悵望且
六翮度。張。曾經剪孤飛卒未高况爾所恃者六翮曾經其
未能且無鷹隼慮留滯莫辭勞六翮既剪而飛不高
全否則鷹隼之患豈能無之爾其毋辭羈縲之勞而
暫留滯焉可也

前半若警戒之詞。後半若慰藉之詞。然總假物以
自喻也。貶官有似於此而猶念切歸朝。寓言以自

忽耳

胡馬大宛名。

胡馬大宛名。

其相以清勁爲上。今觀竹批雙耳峻風入四蹄輕。雙
其身之瘦骨皆成鋒。按竹批雙耳峻風入四蹄輕。雙
峻若竹批。四所向無空濶。真堪託死生。濶之能越坡
蹄輕如風入所向無空濶。真堪託死生。濶之能越坡
所向無前乘之可以脫險。驍騰有如此。萬里可縱橫。
危當死生之地。真堪託命。驍騰有如此。萬里可縱橫。
其號勇飛騰有如此。雖萬里可以橫行也。

四十字中其種其相其才其德無所不脩形容痛快彼區區模寫體貼以爲咏物者何足語此

鷗

江浦寒鷗戲無他亦自饒。言江浦寒鷗之所以戲者無他也亦由自處寬饒耳

卻思翻玉羽

却於此思

隨意點春苗

即隨意向

雪暗

還須浴風生

一任飄

體素如雪也覺雪暗則受風也風

生亦任飄揚

幾羣滄海上清影日蕭蕭海上清影自

更何所繫哉

不令勞勞者羨暮耶

羨鷗之閒傷已之觸處多愁多障全從反面照出

雪暗還須浴刻劃白鷗入微結語亦有蕭遠之致

後遊

寺昔曾遊處橋憐再渡時

言予久客不歸愁緒萬端

入寺而憶寺昔曾遊

無處消遣信步散心過橋

也憐橋今再渡也

江山如有待花柳更無私

江流山擁亦若有待登臨

野潤烟光薄沙暄日色遲

柳娟花明更覺不私嬾慢

胡云此章五
十、一、字、如、海、
底、珊、瑚、瘦、勁、
難、移、沉、莫、測、
而、精、光、萬、丈、
力、量、萬、鈞、通、
章、法、前、古、昔、
人、法、前、古、昔、
人、法、前、古、昔、

觀夫四野烟光浮薄綠繞客愁全為減舍此復何之
其間平沙暄日遲留于上客愁全為減舍此復何之
幸此遊覽流連心目俱爽客愁對此而消滅矣遣愁
之地舍此清幽更復何之乎

前曾渡此橋再渡殊覺可憐曾遊此寺再游更覺
可憶上下語意交互成之惟唐人知此法

登高

風急天高猿嘯哀渚清沙白鳥飛迴言時當秋暮登
寒天蕭猿遇此則嘯而轉哀渚無邊落木蕭蕭下不
落沙出鳥見此則飛而復迴無邊落木蕭蕭而下無邊
盡長江滾滾來也渚清江流之勢滾滾而來不盡也
萬里悲秋常作客百年多病獨登臺對此因思萬里
悲秋之候久作客而不歸也又思艱難苦恨繁霜鬢
馬卿多病之年獨登臺而無伴也艱難苦恨繁霜鬢

潦倒新亭濁酒杯。羈旅中百感交集而霜髮轉繁欲藉酒以遣之奈悲秋多病而醴酸

新傳吾終無如此苦恨何也。
前四句臺上所見之景。萬里地之遠也。秋時之淒
慘也。作客羈旅也。常作客。久羈旅也。百年遲暮也。
多病衰疾也。高臺迥處也。獨登臺無親朋也。十四
字含八意。而對偶更精確。末二句結憂恨難遣意。

堂成

無用句。

背郭堂成蔭白茅。無用句。綠江路熟俯青郊。浣花溪在城都城外故云背郭
欲窮青郁久經。安、服、有、檢林磯日吟風葉。籠竹和烟滴露稍。
行已熟之路也。
蜀中記玉壘以東多檢木籠籬竹此二種皆易成而
有美蔭郊枯出客不能久居之意確極亦至于此

暫止飛鳥將數子頻來語燕定新巢觀堂外飛鳥向
今將數子而生成矣堂內語燕向呢傍人錯比楊雄
而頻來者今定新巢而棲止矣
宅懶惰無心學解嘲予成此堂非爲人居計而傍人
守致來世人之嘲故有解嘲篇予則性情懶惰不過
聊爲棲息已耳即人有以此嘲予亦無心于解嘲也
首聯言堂成之向背次言堂栽之竹木三言堂內
外止息之鳥雀末言築堂非爲久居計而不同楊
雄之附勢以沽名隱然有不附裴冕意

蜀相

丞相祠堂何處尋錦宮城外柏森森此設爲問答語
謂蜀人立祠以祀丞相却于何在平人言映堦碧草自春色言予入
古柏鬱秀者是其處也

接得猛健

映階空有碧草自爲隔葉黃鸝空好音隔葉止見黃
春色而寓日誰乎三國志費禕以奉
而誰耳三顧頻煩天下計使稱能頻煩至吳
者誰乎三國志費禕以奉
思以大計兩朝開濟老臣心兩朝之任以丹心開濟
頻煩經理兩朝開濟老臣心兩朝之任以丹心開濟
君出師未捷身先死長使英雄淚滿襟出師伐魏欲
民未捷而軍前星隕身先死焉長使後之英雄諒其忠
貞傷其命而淚滿襟也

起聯設爲問答之詞三四點祠堂之景五六叙孔
明出處大畧七八寫憑吊之意

送李八秘書赴杜相公幕

青簾白舫益州來巫峽秋濤天地迴
言建幕第見其
自益州而來及下巫峽秋濤天地迴折腰句
青簾垂于白舫
倚旋轉而天地若爲之迴石出倒聽楓葉下蕭疎楓
葉懸石

對結整鍊

而出者。欲聽在前。忽聽。檀、推、背、指、菊、花、開。茂密菊花在後。必倒聽而後聞焉。
者。乍現。檀、前、後、雨、槽。施水對。貪、趨、相、府、今、晨、發、恐、失、佳、期、後。
後。必、背、指、而、後、見、焉。命、催。蓋李因資趨應召。故今晨而。南、極、一、星、朝、北、斗。
命、催。發杜回佳期。恐失後命。又催。南、極、一、星、朝、北、斗。
五、雲、多、處、是、三、台。夫我猶南極一星。離北斗甚遠。徒近五雲多處。即見三台。不愈于南極之相懸而不可。
郎也乎。

前四句自益州來巫峽喜其戒途無危險之處後
四句自巫峽赴相公幕喜其遇主有同升之望

送韓十四江東省觀

官開

兵戈不見老萊衣。嘆息人間萬事非。言當此兵戈四起。父母不見其子者。不特君也。泣老萊衣者。處處有之。而我已無家。人間遭此離亂萬事。艰难豈若太平時哉。

尋弟妹

郎如我也弟妹分散不在

君今何處訪庭闈

今如君也庭闈已覺無家可尋矣黃牛峽靜灘聲轉自馬江

寒樹影稀而聲轉折路經白馬江又霜深葉脫寒迷

樹影而影此別應須各努力故鄉猶恐未同歸此別

庭闈我尋弟妹應各努力必歸故鄉而後安猶恐路

遙遼遠未能同歸相見無期予能不慨然于此別乎

情真則語多率得五六二句地名既佳即景寫情

全詩皆有色矣

野望

西山新起白雪三城戍南浦清江萬里橋言我來郊外遠

尚有三城戍卒近現南浦清江上郎萬里橋頭海內風塵諸弟隔天涯涕淚

凡起句作對偶佳宜
律排意串聯有排
山樹海之勢豪氣
不一往奔注

一身遙隔天涯。是時海內尚動干戈。風塵未靖。以致兄弟離。惟將遲暮。供多病。未有涓埃答聖朝。客蜀毫無善狀。以供多病。未有涓埃答聖朝。客蜀毫無善狀。埃之積上答聖朝。踴馬出郊。時極目不堪。人事日蕭條。故踴馬出郊。見兵荒民困。人事蕭條。誠令人不堪回首矣。

首極目所見。結句乃點明之。三四骨月睽違五六無續答上。此人事之最切者。踴馬出郊之際。思到遲暮之身。第供多病之用。感慨獨深。

諸將五首 其三

洛陽宮殿化為烽。休道秦關百二重。言洛陽宮殿已化為秦關之險。休道秦關百二重。化爲烽火矣。雖有道爲可恃也。滄海未全歸禹貢。荊門何處覓堯封。

夫中華疆土南極滄海比極薊門而竊據尚有未靖
餘孽歸禹貢者南來尚有未全覓荒封者北歸何處
朝廷褒職誰爭補天下軍儲不自供朝廷有開職賴相
爲爭補天下有變軍儲賴賦稍喜臨邊王相國肯銷
貢之入習爲兵竟不自供稍喜臨邊王相國肯銷
金甲事春農農以養兵國之大計邊陲不知稍喜相
國肯銷金甲從事春農庶幾可耳

前半言洛陽爲京師咽喉洛陽不守則京師坐受
其困四方餘寇事可寒心後半痛府兵之制壞天
下坐而待食上下交牧元氣日削所以稍喜相國
畧知銷甲有事春農深致不滿之意以愧當時將
相并王縉亦不如也

咏懷古跡 其二

慷慨有餘哀

推○落○深○知○宋○玉○悲○言○宋○玉○作○九○辨○悲○草○木○之○摧○風○流○
蕭○雅○亦○吾○師○風○流○儒○雅○亦○足○為○吾○師○也○悵○望○千○秋○一○
酒○淚○由○今○悵○望○千○秋○而○慨○玉○生○蕭○條○異○代○不○同○時○餘○
蕭○條○前○後○異○代○江○山○故○宅○空○文○藻○雲○雨○荒○臺○豈○夢○思○
而○處○不○同○時○江○山○之○間○故○宅○雖○存○其○人○既○往○空○留○文○最○是○楚○官○俱○
藻○已○耳○雲○雨○無○蹤○荒○臺○徒○在○豈○有○夢○思○最○是○楚○官○俱○
滅○舟○人○指○點○到○今○疑○最○可○傷○者○楚○官○壯○麗○俱○已○泯○
若○無○惟○宋○玉○之○風○流○不○墜○令○人○咏○懷○不○能○已○焉○

楚官壯滅但隨舟人依稀指點而宋玉故宅則人能言之此意最是難忘深足令人悵望

黑鷹

街日晝提黑鷹突
兀高遠

淺叙畢遂忽作想像
味噴語妙

黑鷹不省人間有渡海疑從北極來言黑鷹異種有
省者大約北極屬正翻搏風超紫塞走、勇、耐、玄冬幾夜宿陽
黑疑從渡海而來其正翻也搏風而上能超紫塞虞羅自覺虛施巧
臺當玄冬也幾夜之間獨宿陽臺虞羅終不可得而狎物所得而伴
春雁同歸必見情此固非人所不得而狎物所得而伴
施雖逢春雁每見萬里寒空祇一日金眸玉爪不凡
必猜而不敢近蓋其翮健高舉雖寒空萬里自可一日過之其金
林昨之明玉爪之利其材海是不凡而羅之者宜其
久而不能得也

言鷹二首語意互覷畧分賦其色耳鷹之白者則
雲飛玉立其鷺則鵬避兎憂自獵無敵百中爭能
其力絕者也鷹之黑者其狀則金眸玉爪其疾則

凜然不可犯

萬里一日。陽臺自宿。春雁同歸。其德全者也。言外賞歎不盡。

白鷹

雲飛玉立。盡清秋。不惜奇毛。恣遠遊。言鷹飛如雲立。其毛如玉。何處。不惜奇毛。而在野。只教心力破。於人何事。網羅求。毛奇。翻使人欲。安求破。盡心力。以張之。只徒然耳。一。若有。心。下。人。即。不。事。網。羅。以。致。之。又。何。難。得。乎。一。生。自。微。知。無。敵。百。中。爭。能。耻。下。韝。振。翻。無。敵。故。于。獵。雖。搏。繫。自。中。無。意。鵬。礙。九。天。須。却。避。兔。經。三。窟。莫。深。爭。能。常。耻。下。韝。鵬。礙。九。天。須。却。避。兔。經。三。窟。莫。深。憂。夫。鷹。不。輕。下。韝。者。蓋。志。在。博。大。而。不。肯。于。小。也。若。咬。九。天。之。鵬。應。須。却。避。彼。營。三。窟。之。兔。莫。深。憂。也。全篇極力寫此鷹材品雙絕而比喻自在言外。

寫景渾大

北莊一聯前人視
一篇王命論

登樓

花○近○高○樓○傷○客○心○萬○方○多○難○此○登○臨○
反○其○此○也○
言○花○近○高○樓○而○

感○者○蓋○以○萬○方○多○錦○江○春○色○來○天○地○王○墨○浮○雲○變○古○
難○見○花○而○轉○倚○也○

今○因○近○花○思○錦○江○之○春○色○日○來○而○天○地○之○文○章○如○故○
想○多○難○見○王○墨○之○浮○雲○時○變○而○古○今○之○文○章○如○故○

北○北○朝○延○終○不○改○
見○春○色○有○常○知○朝○廷○之○正○

盜○莫○相○侵○
見○浮○雲○無○定○知○寇○盜○之○勢○

庭○日○暮○聊○為○梁○父○吟○
不○現○漢○之○後○主○雖○弱○可○憐○至○今○

吟○之○諸○葛○安○內○禦○外○之○德○澤○之○入○人○深○也○吾○是○以○旦○
暮○登○臨○亦○聊○為○梁○父○吟○以○寄○慨○也○乎○

全詩以傷客心三字為主首二句運意曲折造語

參差三句承上起下之詞結以後以武侯為比寓

意深曲

聞官軍收河南河北

劍外忽傳收薊北，初聞涕淚滿衣裳。
寧知故鄉難返，忽傳凱音樂却看妻子愁何在，
極生悲而涕淚滿衣裳矣。却看妻子愁何在，
難以還言目看妻子漫卷詩書喜欲狂。
不知舊愁之何在，漫卷詩書喜欲狂。
荒新喜之白首放歌須縱酒，雖然白首當此時清志
欲壯也。白首放歌須縱酒，雖然白首當此時清志
此青春作伴好還鄉，且遇一路柳花明媚，即從巴峽
與青春作伴好還鄉，青春與我作伴還鄉，即從巴峽
穿巫峽，便下襄陽，到洛陽，道經巴峽，即穿巫峽，到
一旦寧家喜何如耶？襄陽便到洛陽，萬里作客

杜陵之妙有以意勝者，有以篇法勝者，有以俚質

者有倉猝造狀勝者此詩之忽傳初聞却看漫卷
即從便下倉卒間寫出欲歌欲泣之狀千載如見

山江對酒

苑外江頭坐不歸言芙蓉苑外北帶曲江水晶宮殿

轉雲微魏志北秦國城中五官皆以桃花細逐楊花

落黃鳥時兼白鳥飛見花飛落鳥飛宜逐縱酒久擲人

共棄縱酒可以遣懷雖為懶朝真與世相違以適志

雖與世相違吏情更覺滄洲遠老大徒傷未拂衣謂

拂衣而去或可與近奈老而徒傷其未能焉此懷豈

堪自問耶

此詩吏情承五六說。下吏情與滄洲遠。語兼歇後。
縮成七字句。曰老大則其少年時已抱此志。曰更
覺則未仕時已負此志。又以一層顯兩層意。

七月一日題終明府水樓

高棟層軒已是涼。秋風此日洒衣裳。
言斯樓在水中。凌空而起。已足涼矣。又值秋風蕭瑟。翛然欲下。陰山雪。陰山漢句奴來酒衣裳不更涼乎。
時常有三。予時因秋肌膚涼甚。不去。非無。漢暑香。水雪。如。上。陰山欲下雪也。不去。非無。漢暑香。儀有侍史執香。徘徊不去。如在漢暑香。絕壁過雲。如獲衣裳之文。衣裳之內非無香也。
開錦綉。予遠觀絕壁過雲形。踈松隔水。奏笙簧。
近聽隔水聲。韻鏗。若奏笙簧。看君宜著王喬履。真賜還宜出上方。
後漢

胡云氣象雄
蓋宇宙

王喬爲葉令每請朝有雙鳬飛來舉綱張之得雙鳬
今予雖有郎署之命猶與君陌連于此者正以君才
實堪領邑而王喬之履所宜着也攝理已乎知領邑
之命宜出上方可矜立而待矣

首二句言七月一日登樓謂其秋涼也三承首句
四承次句五六登樓所見之景七八美終明府必
領邑事

閣夜

歲暮陰陽催短景言時當歲暮陰陽遞天涯霜雪霽
寒霄予爾帶天涯逢霜五更鼓角聲悲壯獨處閣中
成寐聽鼓角之聲三峽星河影動起看三峽星河搖
聲何其悲壯三峽星河影動起看三峽星河搖
知野哭幾家聞戰伐夷歌是處起漁樵况聞死于戰

聲幾家相接見路傍之淚熊夷敗之宵臥龍躍馬終
是處皆然此吾之所以憂而不能寐也
黃土人事音書漫寂寥
黃土何况人事多違音書不至而寂寥峽中者乎吾
亦聽其寂寥焉可也

起聯言閣中時景三言所聞四言所見五六言時
事末二句則援古以自解也

恨別

洛城一別四千里。胡騎長驅五六年。
都蓋四千里胡騎縱橫草木變衰行劍外兵戈阻絕
而無阻竟五六年矣
老江邊
老江邊將老江邊為兵戈侵掠而滯歸程思家步
月清霄立憶弟看雲白晝眠
思此時有家不得歸步月
思之清霄而不寐有弟

不得見看雲憶聞道河陽近乘勝司徒急爲破幽燕
之白晝而反眠聞道河陽得勝惟乘勝急破幽燕則賊巢
近聞司徒進兵河陽還則予恨庶可平耳不識司徒
盡鳩而長安寧洛陽亦如吾計否

公至城都自恨一別洛陽不能復歸而冀朝廷急
破幽燕以平亂也蓋幽燕一破則洛陽可歸骨肉
可聚此句外之意也

送路六侍御入朝

童稚親情四十年中間消息兩茫然言予與君童稚
今已四十年矣中間消息常通更爲後會知何日忽
猶可相慰而何竟兩茫然也
漫相逢是別筵今日難逢處忽漫相逢不意卽是別筵

不分桃花紅勝錦。生憎柳絮白。於棉之相見之難相別。
雖有桃花紅勝于錦。若不是我幽賞之分。當此春日。
雖有柳絮白過于棉。若生是我性情所憎。劍南春色。
還無賴。觸忤愁人到酒邊。劍南之春色偏向愁人無。
賴觸目忤意直到酒邊。
按此詩正從相反處形出相親四十年消息茫然。
殊覺相見甚難。相別甚易。未知此別再會何時見。
柳白桃紅正堪佐相會之筵。豈堪遣相別情緒所。
以見之而憎而愁。有觸皆忤。滿眼盡是別緒離筵。
以此寫童稚親情何等親切。

城西陂泛舟

青蛾皓齒在樓船。

言青蛾皓齒之美載在樓船

橫笛短簫悲遠天。

或弄橫笛或吹短簫悲清之音高揚如在遠天春風自信牙檣動遲日徐看錦纜牽當此嬌嬈春風自信牙檣動遲日徐看歌扇細浪魚吹蕩燕蹴飛花落舞筵飛花落舞筵燕蹴飛花落舞筵而香不有小舟能蕩漿百壺那送酒如泉獨是風日既佳或愁酒盡却又有小舟遊何快如之

情景辭句艷而不淫所謂麗以則者也。牙檣綿纜歌扇舞筵值此春風遲日助以韶光魚浪燕花增其景色寫得工麗絕倫。

嚴公仲夏枉駕草堂兼攜酒饌變聲

竹裏行厨洗玉盤

言予築草堂聯以自適已耳不意陰陰竹裏忽過行厨兼洗玉盤餽

核何花邊立馬簾金鞍且被巖花過遂來立馬非關
盛也徵求微此行非關于旌使者急于自識將軍禮
便者徵求微此行非關于旌使者急于自識將軍禮
數寬數自識訪友將軍寬于禮
僻數自識訪友將軍寬于禮
柴門遠分百年而五月江深草閣寒五月而草閣寒生
于登滑弄漁舟移白日老農何有聲交歡
眺與老農看弄漁舟至十坐移白日老農何有于形骸
而不與中丞盤交歡于
此虛實相關格起寫在駕之景接聯解其意轉聯
述其景結聯叙已款洽之情

小至

天、時、人、事、日、相、催、冬、至、陽、生、春、又、來、
言天時之改人事之遷日相推

迺今值冬至一陽生刺繡五紋添弱線吹葭六琯動

時而春又已來矣飛灰。斯時宮中刺繡線用五紋一添弱線而暑初長矣。地。下吹葭則灰通六琯。灰齊動而律始轉。

矣。岸容待臘將舒柳山意衝寒欲放梅岸。容。待。臘。將。舒。柳。山。意。衝。寒。欲。放。梅。高。低。之。楊。柳。

待臘而將舒山多生意而雲物不移鄉國異教兒且

橫斜之梅多衝寒而欲放雲物不移鄉國異教兒且

覆掌中杯覆掌中杯。吾因避亂久客于此年年見時事之推而偏于鄉國獨異焉。則感時傷事無以自遣只教兒舉

掌中之杯且覆之以博醉而已而他何及焉

天時人事四字並起下錯互言之次句總言天時

陽始生春又來正日相催也刺繡一聯言人事岸

容一聯言天時添與動待與衝又是日相催雲物

言天時覆杯言人事不殊且覆亦相催之意